

# ثابرات تامزواروٿ ن بُولوس اِ اِڪورينٿين

## اَسَدَجَم

1 بُولوس، اَمَازان اِتواراغان ن يِشُو لَمَسِيح علاَحساب رُخاضار ن اَرَبِي، ذ ثاوماٿ سُوسٿينيس،<sup>2</sup> اِ ثَمَسْمُونَت ن اَرَبِي اِ اِذْچان ذِي كُورينٿوس، اِ يِنِي اِتواقدَسَن ذِي لَمَسِيح يِشُو، اِنِي اِتواراغان ذ اِمَقْدَاسَن اِڪ-ذ مارا اِنِي اِتراغان اِسَم ن سِيذِينغ يِشُو لَمَسِيح ذِي كُور اَمَشان، اَقَا نَتَا ذ سِيذِينسَن ذ سِيذِينغ. <sup>3</sup>نِيعْمَت خاوم ذ رَهنا زي اَرَبِي بابانغَن ذ زي سِيذِي يِشُو لَمَسِيح.

## اَقَاذِي

<sup>4</sup>نَش رِبدا تَقَاذِيغ اَرَبِي اِنُو ذِي طَوَع نُوَم خ نِيعْمَت اِ ذ اوم اِمُوَشَن ذِي لَمَسِيح يِشُو. <sup>5</sup>اَقَا ذِي مارا تَجَّارَم ذايَس، ذِي مارا اُوار ذ مارا ثاموسنا <sup>6</sup>اَمَشانو شَهاذَت ن لَمَسِيح تُوغا تَواضَمَن ذايوم، <sup>7</sup>اَرامي وار ذايوم اِقِيم اُورا ذ اِج ن زَعاف ن تارزَفَت ن نِيعْمَت، نَتراجام اَسارِڪاب ن سِيذِينغ يِشُو لَمَسِيح، <sup>8</sup>وَتِي كَنِيو اِغا اِضَمَن عاوذ غار وُنكَار جِيما اَذ يِيرِم نَبْرا رَعِيب ذِڪ وَاَس ن سِيذِينغ يِشُو لَمَسِيح. <sup>9</sup>اَرَبِي ذ اَصْدِيق، اَقَا كَنِيو تَواراغان زَايس غار ثَمُونَت اِڪ-ذ مِيس يِشُو لَمَسِيح، سِيذِينغ.

## اَبَطُو ذِي ثَمَسْمُونَت ن كُورينٿوس

<sup>10</sup>رُخُو زاوَنغ كَنِيو، اِ اُوَماَن، س يِيسَم ن سِيذِينغ يِشُو لَمَسِيح، اَذ تَسِيورَم مارا س اِجَن وَاوار، وار تَمَسَبِيصِم جاراوم، ماشا اِرِم ثَمُونَم نِيشان ذِڪ اِج ن وُخارِاص وُ ذِڪ اِج ن لغارِاض. <sup>11</sup>مِينزِي اِنِي ن خَلُووي، سَارِڪِن اِيي، اِ اَيْثِما اِنُو، بَلِي جاراوم اِمَنغان. <sup>12</sup>نِيعْغ ث مِينزِي كُور اِجَن زَايوم اِقَار 'نَش ذَجِيغ زي بُولوس!' وُ 'نَش زي اَبُولوس' وُ 'نَش زي سِيَفاس' وُ 'نَش زي لَمَسِيح'. <sup>13</sup>ما اَقَا لَمَسِيح اِتَواضِعا؟ ما تُوغا بُولوس اِتَواضَلَب خاوم؟ نِيعْغ تُوغا كَنِيو تَواَسْغَضِصَم س يِيسَم ن بُولوس؟ <sup>14</sup>نَش تَقَاذِيغ اَرَبِي وار سَغْضِصَغ اُورا ذ اِج مَغِير كَرِيسَبُو ذ خاِيوس وَاها، <sup>15</sup>جِيما اُورا ذ اِجَن ما اَذ يِنِي بَلِي

اِتِوِاسَعَضُصَ ذِکَّ بِيَسْمِ اِنُو. <sup>16</sup> عاوذ سَعَضُصَع تِوِاشُونَت ن سِثِيَفَانُوس. خَنِي وار سِينِغ شا ما سَعَضُصَع حَد تَضْنِي.

### ثِيغِيث ن اَرَبِي ذِ ثِيغِيث ن دُونِيث

<sup>17</sup> ماغار لَمَسِيح وار ذ اِيِي-د اِسَكَّ حِيما اَذ سَعَضُصَع، ماشا حِيما اَذ بَارَحَغ س رَخْبَار اَصْبَحان، وار اِذْجِي س ثِيغِيث ن واران حِيما وار اِتِوِاسَطَبَر صَالِيْب ن لَمَسِيح. <sup>18</sup> مِينِزِي اُوار ن صَالِيْب ذ تُوُبُهرِيا اِ يِنِي اِ غَا اِودَارن، ماشا اِنَشِين، اِنِي اِ غَا اِتِوِاسَنَجْمن، مان اِيَا ذ جَهْد ن اَرَبِي. <sup>19</sup> مِينِزِي تورا ”اَذ اَرْدَدَجَع ثِيغِيث ن اِمِغِيَسَن وُشا اَذ اَكِيغ رِفْهَامَت ن اِفْهَامَن.“ <sup>20</sup> ماني اِذْجَا وُمِغِيَس؟ ماني اِذْجَا وُمَسْرِمَاذ ن اِذْلِيَسَن؟ ماني اِذْجَا بُوومَحَارُوض ن جِير-ا؟ ما وار اَكِي اَرَبِي ثِيغِيث ن دُونِيث-ا ذ تُوُبُهرِيا؟ <sup>21</sup> واخا دُونِيث تَدْجَا ذِي ثِيغِيث ن اَرَبِي، وار نَسِين شا اَرَبِي زِي سَبِيَت ن ثِيغِيث نَس، خ وُيْنِي تُوغا يارضا اَرَبِي اَذ اِسَنَجْم اِنِي يَوْمَن س تُوُبُهرِيا ن تَبَارَحَت. <sup>22</sup> مِينِزِي وُذَاين تارن رِعْرَامَت ذ اِئُونَانِيَن اَرَزُون ثِيغِيث، <sup>23</sup> ماشا نَشِين نَتَبَارَح لَمَسِيح وِنِي اِتِوِاصَلِين، اَقَاث ذ ثَاعَنَكْرِيفَت اِ وُذَاين، ذ تُوُبُهرِيا اِ اِئُونَانِيَن، <sup>24</sup> ماشا اِ يِنِي اِتِوِارَاغان، اَمُو وُذَاين اَمَشِنَاو اِئُونَانِيَن، اَقَا لَمَسِيح ذ جَهْد ن اَرَبِي ذ ثِيغِيث ن اَرَبِي. <sup>25</sup> مِينِزِي تُوُبُهرِيا ن اَرَبِي ذ ثِيغِيَسَت خ اِوْذَان ذ تُوَضْعَفَت ن اَرَبِي تَجَهْد خ اِوْذَان. <sup>26</sup> خَنِي، اَ اُومَانن، خِزَارَم مَامَش تَدْجَام غَار وَاَس ن تِرَاغِيَت نَوْم، اَقَا وار تَدْجِيم ذ اَطَاس ن اِمِغِيَسَن عِلَاخَسَاب اِيَسُوم نِيغ ذ اَطَاس ن اِمَزْمَارَن نِيغ ذ اَطَاس ن تَارُوان نَاصِيرَت، <sup>27</sup> ماشا اَرَبِي اَقَا اِفَارِز تُوُبُهرِيا ن دُونِيث حِيما اَذ زَايس اِسَحْشَم اِمِغِيَسَن وُشا تُوَضْعَفَت ن دُونِيث اِفَارِز اِت اَرَبِي حِيما اَذ زَايس اِسَحْشَم مِين اِجْهَدَن <sup>28</sup> وُشا مِين اِذْجَان سِوَادَاي ذِي دُونِيث ذ مِين اِتِوِاسَحْقَارَن ذ مِين وار اِذْجِين ذ شا، اَقَا اِفَارِز اِت اَرَبِي حِيما اَذ اِبْضَر مِين اِذْجَان، <sup>29</sup> حِيما وُرا ذ اِج وار اِتْفِيَش شا زَاث اِ اَرَبِي. <sup>30</sup> ماشا زَايس اِتْجَام كِنِيو ذِي لَمَسِيح يَشُو وِنِي اِ ذ اِنِغ اِذُورَن ذ ثِيغِيث ن اَرَبِي ذ نَسْكَذَا ذ تُوَقْدَسِي ذ وُفْكَي، <sup>31</sup> حِيما خَنِي اَذ بِيرِي اَم مَامَش تورا ”وِنِي اِسْمَغَاران، اَذ اِسْمَغَار ذِي سِيدِي.“

### صِيَفَت ن تَسْحَارَت ن بُولُوس ذِي كُورِنِشُوس

**2** اُوشا نش، اَ اُومَانن، رامِي د وُسِيغ غَاروم، وار د وُسِيغ شا حِيما اَذ اوم بَارَحَغ شِهاذَت ن اَرَبِي س تَبْرَاَحَت ن وَاوار نِيغ س ثِيغِيث، <sup>2</sup> مِينِزِي اَقَا تُوغا عَوْرَغ حِيما وار تَسْنِغ شا جَاروم مَعِير يَشُو لَمَسِيح ذ وِنِي اِتِوِاصَلِين. <sup>3</sup> وُشا تُوغا-يِي اَكِيذُوم س تُوَضْعَفَت ذ ثِيكُوْذِي ذ وَاطَاس ن وُقْدِيْذَس. <sup>4</sup> نِي اُوار اِنُو وُرا ذ تَبَارَحَت اِنُو تُوغا-

ٿن س واورن اِزُوَقن ن ٿِيغِث ن بُنادم، ماشا س وسشان ن اُروچ ذ جَهذ، 5 جيما لِيَمَان نُوَم وار اِئِبْدِي شا خ ٿِيغِث ن اِوُذَان، ماشا خ جَهذ ن اُريي. 6 خئي نَسَاوار س ٿِيغِث اِ يِّي ت اِوُضن، اَقَا س اِشْت ن ٿِيغِث ٿِيي وار اِذَجِين ن رُوَقْت-ا نِيغ ن رُحُوڪَام ن رُوَقْت-ا اِنا اِنِي اِ غَا اِتِوَاهَلَكَن، 7 ماشا نَسَاوار ٿِيغِث ن اُريي اِ اِذِچَان ذِي سَيِي اِ تُوغا اِنُوْفَارَن، ٿِيي تُوغا اِزَار اِئِيش اِث اُريي اِ وُغُوذَجِي نَغ قَبَر مَّا اَذ ٿِيري رُوَقْت. 8 اُرا ذ اِج زِي رُحُوڪَام ن رُوَقْت-ا وار ت اِسِين، مِينِزِي مارا تُوغا سَنَن ت، عَمَارَص مَّا اَذ اِري صَلِين سِيذِي ن وُغُوذَجِي. 9 ماشا اُم مَامَش اِتِواري ”مِين وار ٿُرِي ٿِيطَّ ذ مِين وار اِسِرِي وُزُوغ ذ مِين وار اِوُذِيغَن شا غَار وُر ن بُنادم، اَقَا مان اِيَا اِسُوَجذ اِث اُريي اِ يِّي ت اِخَسَن. 10 ماشا اُريي اِمْر اَنَغ ت س اُروچ، مِينِزِي اُروچ ٿَارزُو كُورِشِي اُرا ذ رَاذِچَاغ ن اُريي. 11 مِينِزِي مان ون زَك اِوُذَان اِسَن مِين اِذِچَان ن بُنادم مَغِير اُروچ ن بُنادم وِئِي ذَايس اِذِچَان؟ اُمُو عَاوِذ اُرا ذ اِج وار اِسِين شا مِين اِذِچَان ن اُريي مَغِير اُروچ ن اُريي. 12 اَقَا نَشِين وار نَكِسِي شا اُروچ ن ڏُوئِيٿ، ماشا اُروچ وِئِي اِ د يُويسِين زِي اُريي، جيما اَذ نَسَن مِين ذ اِنَغ اِوِشَا اُريي. 13 خ مان اِيَا اِ نَسَاوار خئي، وار اِذِجِي س واورن اِنِي اِتِوَاَسْرَمَذَن س ٿِيغِث ن بُنادم، ماشا س واورن اِنِي اِتِوَاَسْرَمَذَن س اُروچ اِقدَسَن، جيما اَذ نَمَقُوڏَا مِين اِذِچَان ن اُروچ اِڪ-ذ مِين اِذِچَان ن اُروچ. 14 ماشا ٿِيَارِث (=طَبِيَعِث) ن بُنادم وار ٿَمَبَر شا مِين اِذِچَان ن اُروچ ن اُريي، مِينِزِي ٿَحْسَب اِث ذ تُوْبُوهرِيَا وُشَا وار ٿَرْمَار اَذ ت ٿَفْهَم، مِينِزِي مان اِيَا اِزِمَار اَذ اِتِوَاَفَارِز س اُروچ وَاها. 15 ماشا اُروچَانِي (=وِئِي زِي اُروچ) اَقَا اِحْكَم خ كُورِشِي، ماشا نَتَا وار خَاس اِحْكَم اُرا ذ اِج. 16 مِينِزِي وِي اِسَن اَحْمَم ن سِيذِي؟ مان ون اِث غَا اِسْرَمَذَن؟ ماشا نَشِين غَارَنَغ اَحْمَم ن لَمَسِيح.

### ٿِيٿ ن وِيسُوْم وُ رُخْدَمِث ذ رَمُوْنِث نَغ ذِي لَمَسِيح

3 اِخئي نَش، اِوُمَانَن، وار زَمَارَغ اَذ كِيوم سَوْرَغ اَمَشِنَاو اِنِي اِڏَارَن علاَحْسَاب اُروچ، ماشا اَمَشِنَاو اِنِي اِڏَارَن علاَحْسَاب اِيَسُوْم وَاها، اَمَشِنَاو اِسِيْمَان ذِي لَمَسِيح. 1 اَقَا وِشِيغ اُوْم اَذ ٿُوم اَغِي، وار اِذِجِي اِرْقِيم، مِينِزِي تُوغا وار ذ اس ٿَرْمَارَم، اُرا رُحُو وار ذ اس ٿَرْمَارَم عَاذ، 3 س مِينِزِي اَقَا كَنِيو عَاذ ن وِيسُوْم. ماشا مارا ڏِين عَاذ جَارَاوم رُخَسَذ ذ اِمْنِغَان ذ وُمَسْبِضِي، ما وار ٿُدَجِيم عَاذ ن وِيسُوْم نِيغ ٿُكُورَم عَاذ اُم بُنادم؟ 4 مِينِزِي مارا اِجَن اِقَار ’نَش اَقَا-يِي زِي بُوْلُوَس‘ وُ وَنَضْنِي ’نَش اَقَا-يِي زِي اَبُوْلُوَس‘، ما كَنِيو وار ٿُدَجِيم شا عَاذ زَك وِيسُوْم؟ 5 خئي عَاذ، مِين اِعْنَا اَبُوْلُوَس

وُ مِينِ اِنْعَا بُوْلُوسُ، اَقَا-ثَن ذِ اِمْسَخَارَن وَاها، زَايَسِن تَنْدُورَم تُوْمَنَم وُشا مان اَيَا اَمَ مامَش اِوُشا سِيذِي اِ كُورِ اِجَن. <sup>6</sup> اَقَا نَش زُوغ، اُبُولُوس اِشُو، ماشا اَرَبِي اِسْغِي. <sup>7</sup> خَنِي وِنِي اِتْرُون وار اِذْجِي ذِ شا وُرا ذِ وِنِي اِتْسُون، ماشا اَرَبِي وِنِي اِسْغَمَائِن. <sup>8</sup> وِنِي اِتْرُون ذِ وِنِي اِتْسُون ذِ اِجَن، واخا كُور اِجَ نَكَار اَس-ذِ رَمُونَت نَس اَمَشِنَاو رَخْدَمَت نَس. <sup>9</sup> مِينِزِي نَشِين ذِ اِخْدَامَن اَك-ذِ اَرَبِي وُشا كَنِيو ذِ ثاَفْدَچَا حَت ن اَرَبِي ذِ رَبِنِي ن اَرَبِي اِ تَنْدَچَام. <sup>10</sup> علاَحْسَاب نِيَعْمَت نَنِي اِ ذِ اِي اِمُوشَن، نَش، اَمَشِنَاو رَمَعْدَچَم اَبَنَائِي، كُيغ دَساس وُ وَنْضِي اَذِ يَارِنِي خَاس، ماشا كُور اِجَ اَذِ اِحْصَا مامَش خَاس اِ غَا اِنَا. <sup>11</sup> مِينِزِي وُرا ذِ اِجَن مَّا اِزْمَار اَذِ اِكْ ذَساس نْضِي خَ وِنِي اِذْچَان، اَقَا-ثَ ذِ يَشُو لَمْسِيح. <sup>12</sup> وُشا مارا خَ ذَساس نِي حِد اَذِ اِنَا سَ وُرغ، نُوقَارَت، اِزْرَا اِغْرَان، ثَفْرُوث، رُوم نِيغ سَ وُخَشْخُوش، <sup>13</sup> رَخْدَمَت ن كُور اِجَن اَذِ ثَبَان، مِينِزِي اَس اَذِ ت اِسْشَن، مِينِزِي سَ نَمْسِي اَذِ تَتَوَاسْضَهَار وُشا تِيْمَسِي اَذِ تَقْدَچَب مامَش تَنْدَچَا رَخْدَمَت ن كُور اِجَن. <sup>14</sup> مارا تَقِيم رَخْدَمَت اِ تُوغَا اِنَا شَا ن اِجَن، اَقَا نَتَا اَذِ اِطْف رَمُونَت نَس، <sup>15</sup> مارا تَشْمُض رَخْدَمَت ن شَا ن اِجَن، اَقَا نَتَا اَذِ يَارَبُو ثَا حَسَارَت نَس، ماشا نَتَا سِيْمَانَت نَس اَذِ اِنْجَم، واخا اَخِي اِكَا تِيْمَسِي. <sup>16</sup> ما وار تَسِينَم شَا بَلِي تَنْدَچَام ذِ ثَا دَارَت اِقْدَسَن ن اَرَبِي وُشا بَلِي اَرُوح ن اَرَبِي اِزْدَغ ذَاوِم؟ <sup>17</sup> مارا حِد يَارَبِ ثَا دَارَت ن اَرَبِي، اَرَبِي اَذِ يَارَبِ، مِينِزِي ثَا دَارَت اِقْدَسَن ن اَرَبِي، نَنِي تَنْدَچَام كَنِيو، تَقْدَس اِ تَنْدَچَا. <sup>18</sup> وار تَجَبِي حِد اَذِ اِسْشَمَت اِخْف نَس! مارا ذِين حِد جَارَاوَم اِتَغِير اِس اِخْف نَس ذِ اَمِيغِيَس ذِي زَمَان-ا، اَذِ اِذُور ذِ اُبُوهَارِي ماحِنْد اَذِ يِيرِي ذِ اَمِيغِيَس. <sup>19</sup> مِينِزِي تِيغِيَت ن دُوتِث-ا تَنْدَچَا ذِ تُوْبُوهَرِيَا غَار اَرَبِي. اَقَا تُورا ”اِطْف اِمِيغِيَسَن سَ تَحْرَايْمَشَت نَسَن“، <sup>20</sup> وُشا عَاوَد ”سِيذِي اِسَن اِخَارِيَصَن ن اِمِيغِيَسَن، اَقَا ذِ رِبَا طَر.“ <sup>21</sup> اَمُو خَنِي وُرا ذِ اِجَ وار اِسْغَمَارِي شَا زَكْ اِوُذَان، مِينِزِي مارَا نُوْم، <sup>22</sup> مَّا ذِ بُولُوس، مَّا ذِ اُبُولُوس، مَّا ذِ سِيْفَاس، مَّا ذِ تُوذَارَت، مَّا ذِ رَمُوث، مَّا ذِ اِضَا نِيغ ذِ تِيوْشَا، اَقَا مارَا نُوْم، <sup>23</sup> ماشا كَنِيو ن لَمْسِيح وُشا لَمْسِيح ن اَرَبِي.

### امازانن ن لمسيح

4 اَج اَذِ اِحْسَب كُور بِنَاذَم اَمُو، بَلِي اَقَا-نَغ ذِ اِمْسَخَارَن ن لَمْسِيح ذِ اِوُكِيَرَن ن تَمْسَرَايِن اِنُوفَارَن ن اَرَبِي. <sup>2</sup> خَنِي اِتْخَصَّ اِ اِوُكِيَرَن اَذِ تَوَافَن ذِ اِضْدِيَقَن. <sup>3</sup> نَش وار ذِ اِي اِشَقِي شَا مارا تَوَا حَكْمَغ زَاوِم نِيغ زَكْ اِشْت ن تَا دَارَت ن شَرَا ع ن بِنَاذَم وُشا وُرا ذِ نَش وار حَكْمَغ شَا خَ اِخْف اِنُو. <sup>4</sup> مِينِزِي نَش سَ يِيخْف اِنُو وار سِينِغ

والو، ماشا س مان آیا وار تواسگڈغ، ماشا آقا سیدی ذ وتی اِ خافی اِحکمن. 5س  
 وُیْنی وار حکم شاخ والو اِ د غا یاس سیدی وتی اِ غا اِسُوْفَعَن غار ثفاوت مین  
 اِنُوْفارن ذی نادچسٹ، اَذ اِسْضَهَار اِخارِیصن ن وُراون وُشا رخدنی کُوْر اِج اَذ غارس  
 پیری وُسمغار زی اُری. 6آقا مان آیا، اُومائن، اِویغ ت-ید خافی وُخ اُبولوس اَمشناو  
 اِج ن وُمذیا ذی طوع نوم، حیما اَذ زاینغ ترمذم ماحند وار تَنخارِیصم شا بارا اِ مین  
 اِذچان ذی تیرا، حیما وُرا ذ اِج ذی طوع ن بیچن وار اِتَنفَح اِخف نَس عمارص خ  
 وتَضِنی. 7میزری مین تکیذخ اِنضنی؟ نیغ مین غارک، خنی وار ت تطفیذ؟ وُشا مارا  
 تطفذت، مایمی تشنعد اُحیی وار ت تطفیذ شا؟ 8آقا کنیو تَحیونم، آقا تَنجَّارم،  
 نَبْرَا نَشین آقا تَحکَم اَم اِجْدجیدن. ماغلیک کنیو تَحکَم اَم اِجْدجیدن، اَذ پیری  
 نَشین خنی اَذ نَحکم عاوذ اَکِیذوم!

9میزری اِنغیر اُبی بلی اُری اِکْا اَنغ، نَشین اِنی اِذچان ذ اِمازان، غار تِیسیٹ  
 اُحیی خانغ حکمن س رموٹ، میزری آقا نذور ذ اَسْفورج اِ دُونِیٹ ذ لَمالاکات ذ  
 اِوُدان. 10نَشین ندچا ذ اِبُوْهاریین خ سَبِیٹ ن لَمَسِیْح، ماشا کنیو تَدچام ذ اِمِیغِیسن  
 ذی لَمَسِیْح. نَشین نَهیْف، کنیو تَنجهدم. کنیو تَنواشعَم، نَشین تَنواسْحقارا. 11اُر  
 رُخو نَشین ذائینغ راز ذ وُفاذی ذ تُوعارینت، شانغ اَنغ س رُوْیْنیٹ، وار غارغ بُو  
 تَرْدِیغ 12وُشا ناربر، نَحْدَم س اِفاَسن نغ. مارا نعرن خانغ، آقا اَذ نبارک، مارا دارشَن  
 خانغ، آقا اَذ نکسی اُرمح 13وُشا مارا شَقْفن ذائینغ، آقا تَنارا-د س رضرافت. اُر رُخو  
 نذور اَمشناو تازوباتش ن دُونِیٹ ذ اِفوارض ن مارا. 14وار تارِیغ اُیا حیما اَذ کنیو  
 سَحْشِیْمغ، ماشا تَزِیَارغ کنیو اَمشناو تاروا اِنو اِعیزن. 15واخا مارا تُوغا ذین غاروم  
 عسرا اُراف ن اِنی اِ کنیو یاربان ذی لَمَسِیْح، آقا وار غاروم اُطاس ن اِبابانن، میزری  
 نش جِیغ-د کنیو ذی لَمَسِیْح یشو س رُخبار اَصْبَحان. 16خ وُیْنی تَشَجَع کنیو اَذ اِبی  
 تاروسم. 17خ وُیْنی سَکْغ اوم-د تِیْمُوْیُو وتی اِذچان ذ اَحْنَجِر اِنو اِعیزن ذ اَصْدِیْق  
 ذی سیدی، وتی کنیو اِ غا اِسْفَکَّارن اِپْرِیذن اِنو ذی لَمَسِیْح اَم مامش سَرْمادغ ذی  
 مارا اِغزِیسن ذی مارا تِیْمَسْمُوْنین. 18ماشا شا زایوم آقا تَنفَاحن اُحیی نش وار غاروم  
 تِیَوِیْضِیغ. 19ماشا نش کُوْرغ اَذ غاروم-د اسغ ذغبا، مارا اِخس سیدی، وُشا اَذ ت  
 سَنغ، وار اِذجی اوارن ن اِنی اِنْفَحن، ماشا جَهْد نسن. 20میزری تَاکْلِیْث ن اُری  
 وار تَدجی شا ذت اوارن، ماشا ذی جَهْد. 21مین تَحْسَد؟ ما اَذ غاروم-د اسغ س  
 وُکْشُوْض نیغ س تائری ذ اُرُوْح ن تَمْهینت؟

## اَسْحِيْدَن اِج ن وُْمذَنُوْب زِي تَسْمُوْمَت

5 ارحاسور، اِتوانا بلي اَقاَ ذين جاراوم ثوقحيث وُسا اَنشَت ن ثوقحيث تني وار اِذجين قاع جار ركنوس بلي اِجن غارس ثامغارث ن باباس. 2 ما كنيو ثتارام اِخف نوم تُسكوام، واخا اِتخصص اوم ذي ثيذت اذ ثشصنم، جيما وني اِكين مان ايا اذ اِتواحيذ زي روسط نوم؟ 3 نيشان نش، واخا غابغ ذي اَرِيْمث، اَقاَ حضارغ ذي اَرُوح، اَقاَ حكمغ اِخمي حضارغ خ وني اِكين مان ايا اُمُو. 4 مارا ثمونم ذك اِسم ن سيذيتنغ يشو لمسيح، كنيو اَك-ذ اَرُوح اِنو س جهذ ن سيذيتنغ يشو لمسيح 5 ماحند اذ ث نسلَم اِ شيطان اِ ثخسارث ن وِسوم جيما اَرُوح نس اذ اِتواسنجم ذك واسن ن اَرِي. 6 وار ذ خام يوسي وُقيش! ما وار ثسينم شا بلي شوايث ن وِثون اِسَمَ مارا اَرشِي؟ 7 سيزذكم اِخف نوم خني زك وِثون اَقذيم جيما خني اذ ثيريم ذ اَرشِي ن جديذ، اَم كنيو س ثيذت نبرا اِثون. مينزي عاوذ لمسيح وني ذ اِمار ن ”باسخا“ نغ، اَقاَ اِتواغارص خانغ. 8 اُمُو خني جَم اَنغ اذ اَعِيذ، وار اِذجي س وِثون اَقذيم نيغ س وِثون ن ثوعفنا ذ رغار، ماشا س وِثون نبرا اِثون س وِثون ن تازدوخي ذ ثيذت. 9 اَقاَ وُريغ اوم-ذ ذي ثبرات جيما وار ثعاشارم اِقحيبين، 10 وار اِذجي مارا اِقحيبين ن دُونِث-ا نيغ اِصماعت نيغ اِغشاشن نيغ اِنِي اِعْبَدَن لاصنام، مارا اُمُو، اِري اذ ثغَم زي دُونِث-ا قاع، 11 ماشا وُريغ اوم-ذ رخو جيما وار ثتعاشارم شا حد، واخا قارن اس وُما ماشا اَقا-ث ذ اِقحيبي نيغ ذ اِصماعت نيغ ذ وني اِعْبَدَن لاصنام نيغ ذ اَمشَقاف نيغ ذ اَعفان نيغ ذ اَسكارجي نيغ ذ اِغشاش، اَك-ذ حد اَم واينثا وار كيس تَم! 12 مينزي مان رَحَق غاري نش جيما اذ حكمغ خ اِنِي اِذجان بارا؟ ما وار ثحكَم كنيو اِنِي اِذجان ذاخر؟ 13 ماشا اِنِي اِذجان بارا، اَرِي اذ خاسن اِحكم. ”سَحِيذث خام اَعفان!“

## اِمْشُوْباش جَار واِوَمائِن

6 اِما اِزعم حد زايوم، خمي غارس شراع اَك-ذ وِثني، اذ يويور غار ثاذارث ن شراع زاث ن پتي وار اِسكذَن، وار اِذجي زاث اِ اِمقداسن؟ 2 نيغ وار ثسينم شا بلي اِمقداسن اذ حَكَمَن دُونِث؟ وُسا مارا كنيو ثحكَم خ دُونِث، خني ما وار ثومارم اذ ثعذرم ثيمسرايين ثيمزيانين جاراوم؟ 3 نيغ وار ثسينم شا بلي اذ نحكَم خ لمالاڪاٿ؟ مشحار عاذ كثار اِغا نحكَم خ ثيمسرايين ن ثوذارث-ا؟ 4 خني، مارا ذين جاراوم ثيمسرايين ن ثوذارث-ا اِتخصصا اذ ثواحاڪمنت، ما ثتكم اِنِي غار اِذجا

ذُرُوس ن وُوقار واهَا ذِي ثَمْسُمُوت حِيْمَا اذ حَكْمَن؟ قَارَغ ث حِيْمَا اذ ثُصْضَحَام. ما خَنِّي وار ذِيْبِي حد جَاروُم ذ اَمِيغِيَس، ما وار ذِيْبِي وُرَا ذ اِج ذ وِئِي اِزْمَارَن اذ اِحْكَم جَار واوْمائِن؟<sup>6</sup> ما خَنِّي وُْماس اذ اِشْرَاع اَك-ذ وُْماس ذ مان اَيَا قِيْبَاتَش اِ يَنِّي وار يَوْمِيْن شَا؟<sup>7</sup> اَمُو خَنِّي س يِذْت ذ ثَاخَسَارْت اِ كَنِيُو مارا ثَمْسَارَعَم جَاروُم. ما يَمِيِي وار ثَقَبْرَم شا مِيْن وار اِسْكُذْن؟ ما يَمِيِي وار ثَقَبْرَم شا اذ كَنِيُو عَشْن؟<sup>8</sup> ماشا كَنِيُو ثَنكَم مِيْن وار اِسْكُذْن وُشا ثَنغَشَام، ذ مان اَيَا اِ ثَنكَم اِ واوْمائِن.<sup>9</sup> ما وار ثَسِيْم شا بَلِي اِنِّي وار اِسْكُذْن وار وارْتِن شا ثَاكَلْذِيْت ن اَرِّي؟ وار تَرَا حَم شا ذِي غَالَاط! نِي اِقْحِيْبِيْن نِيغ اِنِّي اِعْبَدَن لاصْنَام نِيغ اِنِّي اِتَكَن زَبْنَا نِيغ اِنِّي اِسْتَعْمِيْرِن اَقَا-ثَن ذ ثِيْمغَارِيْن، نِيغ زَوَامِر<sup>10</sup> نِيغ اِشْفَارَن نِيغ اِضْمَاعِن نِيغ اِسْكَارَجِيِيْن نِيغ اِمَشْقَافَن وُرَا ذ اِغْشَاشَن اذ وارْتِن ثَاكَلْذِيْت ن اَرِّي.<sup>11</sup> وُشا اَمُو ثُوغَا شا زَايُوْم، ماشا اَقَا كَنِيُو تَوَاسِيْزِذْكَم، اَقَا تَوَاقَدْسَم، اَقَا تَوَاسْكَذْم س اِسْم ن سِيْذِي يَشُو لَمْسِيْح وُ س اَرُوْح ن اَرِّي نَع.

### اَرِيْمْت ذ ثَاذَارْت ن اَرُوْح اِقْدَسِن

<sup>12</sup> مارا ثِيْمسْرَايِيْن ذِجَانْت حدِجْرَت، ماشا مارا وار نَفْعَت. مارا ثِيْمسْرَايِيْن تَوَا حدِجْرَت اَبِي، ماشا نَش وار تَجْبِيغ اذ اَبِي ثُضْبِر وُرَا ذ اِشْت ن ثَمْسْرَاشْت.  
<sup>13</sup> ماشا اِ وُعْدِيْس وُشا اَعْدِيْس اِ ماشا، ماشا اَرِّي اذ ثَن اِمْحَا س ثِيُوِيَا، اِج اَنْشْت وَضْنِي. ماشا اَرِيْمْت وار ثُدْجِي اِ ثُوْقْحِيْبِيْت، ماشا اِ سِيْذِي وُشا سِيْذِي اِ اَرِيْمْت.  
<sup>14</sup> وُشا اَرِّي وِئِي د اِسْتَكَّارَن سِيْذِي اذ اِنْع-د اِسْتَكَّار عَاوِذ س جَهْد نَس.<sup>15</sup> ما وار ثَسِيْم شا بَلِي اَرِيْمَات نُوْم ذِجَانْت ذ اِغْزُذِيْسِن ن لَمْسِيْح؟ ما اذ كَسِيغ خَنِّي اِغْزُذِيْسِن ن لَمْسِيْح مَاحَنْد اذ ثَن كُغ ذ اِغْزُذِيْسِن ن رَفْحَا؟ عَمَارِص! <sup>16</sup> نِيغ وار ثَسِيْم شا بَلِي وِي اِمُونَن اَك-ذ رَفْحَا، اَقَا-ث ذ اِشْت ن اَرِيْمْت اَكِيْس؟ مِيْنَزِي اِقَار ”نِيْشِي س ثَنائِن اذ اِرِيْن ذ اِج ن وِيْسُوْم“. <sup>17</sup> ماشا وِئِي اِمُونَن اَك-ذ سِيْذِي، اَقَا-ث ذ اِج ن اَرُوْح اَكِيْس. <sup>18</sup> اَرُوْرَم زِي ثُوْقْحِيْبِيْت. كُوْر شَا ن دَانَب اِ اِتَكَّ اِث نَبَاذَم، اَقَا-ث بَارَا اِ اَرِيْمْت، ماشا وِئِي اِثْقَحِيْن، اَقَا اِخْطَا ضِيْدَن اَرِيْمْت نَس. <sup>19</sup> ما وار ثَسِيْم شا بَلِي اَرِيْمْت نُوْم ذ ثَاذَارْت ن اَرُوْح اِقْدَسِن ثِيِي اِ ذَاثُوْم اِذْجَان، ثِيِي اِ ذ اوم-د يُوْسِيْن زِي اَرِّي، وُشا خَنِّي كَنِيُو وار ثُدْجِيْم شا اِ يِيخْف نُوْم؟ <sup>20</sup> اَقَا ثَمْسَغَم-د س تَامَان. سَمْغَارَم خَنِّي اَرِّي ذِي اَرِيْمْت نُوْم وُ ذِي اَرُوْح نُوْم ثِيِي اِذْجَان ن اَرِّي.

## رمراش

7 اڙي جيهٺ مين ذ ابي ٿوريم، آقا مليح ا بناذم وار اٿيڙي شا ٿامغارٿ. 2 ماشا زي سڀيٽ ن ٿوقحبيٺ، ڪور اڃ اڌ غارس ٿيري ٿامغارٿ نس وُشا ڪور اٿيٺ اڌ غارس پيري اڙياز نس. 3 اڙياز اٿڪمار اڪ-ذ ٿامغارٿ مين ذ اس-د ٿوسا، اُمو عاوذ ٿامغارٿ اڪ-ذ ورياز. 4 ٿامغارٿ وار ٿنصباري شا ذي اڙيمٺ نس، ماشا اڙياز. وُشا اُمو عاوذ اڙياز وار اٿنصباري شا ذي اڙيمٺ نس، ماشا ٿامغارٿ. 5 وار ت قطع ماشا خ وياويا، مغير مارا ٿڪسم ذڪ ووار شا ن وُمو جوما اڌ ٿشغرم س وُزومي ذ ٿراذجيت، خئي مونم عاوذ جوما وار ڪنيو اٿجاريب شيطان رامي ڪنيو اٿنقص ضبط ن نفس نوم. 6 قارغ مان آيا س وپريذ ن رخاضار، وار اڏجي س رومور. 7 خسغ عاذ مليح مارا مارا اڏان اڌ اڙين اُمشناو نش، ماشا ڪور اڃ غارس ٿاموشي ن نيعمٺ نس زي اڙيي، اڃن اُمو، ونصني اُمو. 8 ماشا اڙيي وار اڙيمٺ وُ اٿيچار قارغ، آقا مليح مارا قيمن اُمشناو نش. 9 ماشا مارا وار زمارن اڌ منعن اڃف نسن، اڌ مرشن، مينزي ذ مان آيا حسن زڪ وشماس ن ٿنٿوٺ.

10 ماشا اڙيي اڙيمٺ وڃي، وار اڏجي ذ نش، ماشا سيڙي، بلي ٿامغارٿ وار ٿبٿي خ ورياز. 11 وُشا مارا ٿبضا، اڌ ٿقيم ٿبرا رمراش نيغ اڌ ٿمصرح اڪ-ذ ورياز نس وُشا خئي اڙياز وار اٿجي ٿامغارٿ نس. 12 خئي نش قارغ اڏ اٿنصني، وار ٿ اڃار سيڙي، مارا حد غارس ٿامغارٿ وار اٿيمن، وُشا ٿنٿا ٿقبر اڌ ٿرذغ اڃيس، وار ٿ انطار شا. 13 وُرا ذ ٿامغارٿ ٿني غار اڏچا ورياز وار يويمين وُ ٿنا اڃبر اڌ ڪيس اڏذغ، وار ٿ ٿنطار شا. 14 اس مينزي اڙياز وار يويمين اٿواقدس ذي ٿامغارٿ وُرا ذ ٿامغارٿ وار يويمين ٿواقدس ذڪ ورياز، مارا مامش نصني اڌ اڙين اڃنچيرن نوم ذ اڃنڪاس، ماشا رخو آقا نيٿي قدسن. 15 ماشا مارا وني وار اٿيمن اٿنچف، اڃ اٿ اڌ اڏچف. خئي ٿاوامٺ نيغ ٿاوٿشمات وار ڏجين ذ اسمغان، آقا اڙيي اڃانغ-د غار رهنا. 16 مينزي مانيس ٿسند شم، ا ٿامغارٿ، اڌ ٿسنجمذ اڙياز نم؟ نيغ مانيس ٿسند شڪ، ا اڙياز، اڌ ٿسنجمذ ٿامغارٿ ٿڪ؟

17 ماشا ڪور اڃ اُمشناو مامش ٿ اڃا سيڙي وُشا اُمشناو مامش ذ اڃانغ اڙيي ا ڪور اڃ، اڃ اٿ اڌ اڏار اُمو، مان آيا ا وُمو رغ ذي مارا ٿيمسُمونين. 18 مارا اٿواراغا ا حد غار وُموني اڪ-ذ لمسيح س وختان، وائينا وار يارزو اڌ اٿ اڃنصر، مارا اٿواراغا ا حد ٿبرا اڃان، وائينا وار اٿجي اڌ اٿواڃن اڃف نس. 19 اڃان ذ والو وُ ٿبرا اڃان ذ والو، ماشا اُحطون ٿوصا ن اڙيي. 20 ڪور اڃن ذي ٿراغيٺ اڏ اس-د اٿواراغان اڌ

ذایس اِقیْم. <sup>21</sup> مارا تُوغا شک ثتواراغیذ ذ اِسْمغ، وار ثسَحِیْسِیْفذ شا اِ مان اَیا، ماشا عاوذ مارا تُرمارذ اذ ثتواصرحد، اُکُ اِث ماشا. <sup>22</sup> مینِزِی وِتی اِتواراغان ذِی سِیْذِی اَم تُوغا-ث ذ اِسْمغ، اَقا-ث ذ اُحورِی ن سِیْذِی، اَم مامش وِتی اِتواراغان ذ اُحورِی، اَقا-ث ذ اِسْمغ ن لَمسیح. <sup>23</sup> اَقا ثَمْسغ-د س تامان، خِتی وار ثیرِیْم شا ذ اِسْمغان ن اِوْذان. <sup>24</sup> اَومائِن، کُور اِجِن اذ اِقیْم ذِی مین ذِی اِتواراغا قِیباتش اَرَبِی.

<sup>25</sup> ذکُ وازِای ن ثَعزَارِیْن، اَقا وار غارِی بُو رامور ن سِیْذِی، ماشا اذ وُشغ اَزای اِنُو، اَمشِناو وِی یِوضن س اَرَحْمَت ن سِیْذِی حِیما اذ یِری ذ اَصْدِیق. <sup>26</sup> خ وُیْبِی اِتَعِیر اَیِی مِلیح اِ رَعْبِن اِ اِذْجَان، بَلِی اَقا اِشِنَا اِ بُنادم اذ یِری اَمُو. <sup>27</sup> ما ثُرْصَفذ ذِی ثَمْغارث، وار اِرْزُو شا رَفراق. ما تُواسارحد زِی ثَمْغارث؟ وار اِرْزُو شا ثامْغارث. <sup>28</sup> ماشا مارا ثکُورذ اذ ثمرشد، وار ثکُورذ شا اذ ثخَصِیْذ. وُشا مارا ثاعْزارشث ثمرش، وُرا ذ نَنات وار ثخَطِیْی شا. ماشا اَمشِناو اِنَا، ثتراجا ثن رَحْصارت ذکُ وِیْسوم اِ خَسْغ اذ ت خ اوم کَسْغ.

<sup>29</sup> ماشا ذ مان اَیا اِ قَارْغ، اَ اَومائِن، اَقا رَحار اِمزِی. خ وُیْبِی اِنِی غار اِذْجَا ثَمْغارث، اَج اِثْن اذ اِرِیْن اُحْمِی وار غارسن ثدْجِی. <sup>30</sup> اِنِی اِثْرُون اُحْمِی وار ثْرُون وُ اِنِی اِفارْحِن اُحْمِی وار فَرِیْحِن وُ اِنِی اِساغِن اُحْمِی وار مَلْکِن، <sup>31</sup> اِنِی اِسْتَفانَعِن زِی دُوئِث اُحْمِی وار زایس اِسْتَفِیْعِن کُورِشِی، مینِزِی وُذم ن دُوئِث اذ اِعْدُو. <sup>32</sup> اَقا خَسْغ اذ ثیرِیْم ثَبْرا اَمْنوس. وِتی وار اِمْرِیْشِن اذ اِکْسِی س وِمنوس اِ ثَمْسرایِن ن سِیْذِی ذ مامش اِ غا یارضا سِیْذِی. <sup>33</sup> ماشا وِتی اِمْرِشِن، اذ اِکْسِی س وِمنوس اِ ثَمْسرایِن ن دُوئِث-ا ذ مامش اِ غا یارضا ثامْغارث تَس. <sup>34</sup> اَقا ذِیْن اِج ن رَفراق جار ثَمْغارث ذ ثَعزَارِشث. ثاعْزارشث ثکْسِی س وِمنوس اِ ثَمْسرایِن ن سِیْذِی، حِیما اذ ثیرِی ثَقْدَس اَمُو ذِی اَرِیْمَت اَمشِناو ذِی اَرُوْح، ماشا ثَنِی اِمْرِشِن، ثکْسِی س وِمنوس اِ ثَمْسرایِن ن دُوئِث، اِ مامش اِ غا ثارضا اَرِیاز تَس. <sup>35</sup> ذکُا قَارْغ اوم-د اِ ثِیْزِی نَوْم، وار اِذْجِی حِیما اذ اوم کَغ ثاخْشَفث، ماشا زِی جِیْهَث اِشُووَارِن وُشا حِیما اذ ثَقِیْم ذِی اَرَبِی ثَبْرا اَسارْجِی. <sup>36</sup> ماشا مارا حد اِخارَص بَلِی اَقا ذ رَعِیْب اِ یَدْجِیْس ثاعْزارشث ثَنِی خاس عَدُون وُسان ن ثمزِی، وُشا اِثْخَصَا اذ یِری اَمُو، اذ اِکُ مین اِخَس، تَنّا وار اِخَطِیْی شا، اَج اِثْن اذ مَرشِن. <sup>37</sup> ماشا وِی اِذْجَان نِیْشان ذکُ وُر تَس، ثَبْرا ما یُشَا س وُزِیْیَار، وُشا غارَس صُوْلَطَا خ یِخْف تَس، اِکَس ذکُ وُر تَس اذ یِج ثاعْزارشث تَس ثَصْفا، مِلیح اِ یِکَا. <sup>38</sup> وِتی ت اِسْمَدْجِشِن، اِتْگ مِلیح، ذ وِتی وار ت اِسْمَدْجِشِن شا، اِکَا مِلیح اَطاس. <sup>39</sup> ثامْغارث ثَقْن غار وِریاز تَس س تاوْرات مین غا

يڪ ورياز نس اڌار، ماشا مارا ارياز نس اموٿ، آقات تسارح زائيس، نومار اذ ثمرش اڪ-ذ وي ثخس، ماشا ذي سيڏي واه. <sup>40</sup> ماشا نش غاري، آقا نتاٿ اذ ثتوهارڪ ڪنار مارا ثقيم امٽي، وُشا تواريخ بلي نش غاري ارواح ن اريي عاوذ.

### ماشان تيغارصين ا لاصنام

**8** ازي جيهٿ ن ثغارصين ا لاصنام، آقا نسن، بلي مارا غارنغ ناموسنا. ناموسنا تنگ ٿوٿ، ماشا ٿايري ٿسبدا. <sup>2</sup> مارا زين حد اٿغير اس بلي اسن شا، عاذ وار اسن والو اٿنش مامش اٿخص اذ اسن. <sup>3</sup> ماشا مارا حد اٿخص اريي، آقا ذ وا اٿواسن زائيس.

<sup>4</sup> خني ذڪ وازاي ن ماشا ٿئي اٿواغارصن ا لاصنام، نشين نسن آقا لاصنام وار اڏجي ذ والو ذي ڏوئيٿ، وُشا خني وار زين اريي مغير ذ اجن. <sup>5</sup> خني، واخا آقا زين اٿي وُمي قارن اريين ما ذڪ وُجنا نيغ ذي ٿمورٿ، امشناو مامش ڏجان زين اطاس ن اريين ذ واطاس ن اسيڏين، <sup>6</sup> نشين خني آقا زين اڃ ن اريي واه، آقات ذ ٿاباباٿ ٿئي زائيس ا ڏيوسين مارا ٿيمسراين وُشا نشين اٿنا اٿنڊجا، وُشا آقا زين اڃ ن سيڏي، آقات ذ يشو لمسيح وٽي زائيس اڏجان مارا ٿيمسراين وُشا آقا زائيس اٿنڊجا.

<sup>7</sup> ماشا ناموسنا وار ٿڊجي ڏايسن مارا، مينري زين شا اٿي ٿانفسشت نسن عاذ اڪ-ذ لاصنام، آقا تنن ت ام ٿاغارصٿ ا لاصنام وُ ٿانفسشت اضعفن نسن، آقات ٿتواسنخمج. <sup>8</sup> خني ماشا وار ذ انغ ٿسيويض شا غار اريي، مينري مارا نش، آقا وار ڏاينغ يارئي شا، نيغ مارا وار نشي، آقا وار ڏاينغ بو رخصص. <sup>9</sup> ماشا غاروم، آقا تسريح نوم وار ڏيوسي اذ ٿيري ذ ازرؤن وُنقراض اٿي اضعفن. <sup>10</sup> س مينري مارا حد اٿتوارا شڪ، شڪ ا غار اڏجا ناموسنا، ٿننڌ ذي ماني عبڏن لاصنام، ما ٿانفسشت ن وٽي اضعفن وار ٿتواجبڏ شا اذ ٿڪار ماخذن ٿنا اذ يش مين غارصن ا لاصنام، <sup>11</sup> وُشا خني س ٿموسنا ٿڪ اذ ٿتواهلڪ ٿاوماٿ اضعفن، وٽي ا خف اموٿ لمسيح. <sup>12</sup> خبي ٿخطيم اموخ ٿاوماٿ وُشا ٿسيزم ٿوضعتن ن ٿنفسشت نسن، آقا ٿخطيم خ لمسيح. <sup>13</sup> س وٽي، مارا ماشا آقات ذ رفضيحت ا وُما، وار تنغ اٿشوم عمارص، جيما وار سنڌريفغ شا وُما.

## تَسْرِيحَ نَ وُمازان

9<sup>1</sup> ما وار دَجِيعَ ذِ اَمازان؟ ما وار دَجِيعَ ذِ اُحورِّي؟ ما وار زَرِيعَ يَشُو لَمَسِيحَ سِيذِيئَن؟ ما وار تَدَجِيمَ كَنِيو ذِ رُحَدَمَتِ اِنُو ذِي سِيذِي؟ مارا وار دَجِيعَ ذِ اَمازان اِ وُضُنِي، اِ كَنِيو نِيشانَ عَنِيعَ ثَ مِينِزِي كَنِيو ذِ اَشَمِيعَ نَ تازانتِ اِنُو ذِي سِيذِي.

3<sup>2</sup> مان اَيَا ذِ دَفَاعِ اِنُو خِ يَنِي خَافِي اِحَكَمَن. 4<sup>3</sup> ما وار غَارَنغَ تَسْرِيحَ حِيما اَذِ نَش، اَذِ نَسُو؟ 5<sup>4</sup> ما وار غَارَنغَ تَسْرِيحَ اَذِ ناوِي اُكِيذَنغَ اِشَتِ نَ تُوَتَشَماتِ ذِ تاَمغارِثِ اَمَشِناوِ عاوذِ اِمازاننِ اِنُضُنِي ذِ واوِماثنِ نَ سِيذِي ذِ سِيفاَس؟ 6<sup>5</sup> نِيعَ واها نَشِ ذِ بارِناباسِ وار غَارَنغَ بُو تَسْرِيحَ حِيما وار نَخَدَم؟ 7<sup>6</sup> مان وَنِ اِغا اِراحنِ غارِ رُعسكارِ اِغا اِخَدَجِصنِ رُمُونَتِ نِيثِ اِبيخَفِ نَس؟ مان وَنِ اِغا اِزُونِ اُحُويسِ نَ تَرِيارِثِ وار اِتتِ شا زِي رَغِيذِچَتِ نَس؟ نِيعَ مان وَنِ اِغا يارِكوسنِ اِشَتِ نَ تَحِيماَرِثِ وار اِسسِ شا اَغِي نَ تَحِيماَرِثِ؟ 8<sup>7</sup> ما قارِغَ مان اَيَا اَمَ بِنادَمِ واها نِيعَ ما وُرا ذِ تاوارِثِ وار تَقارِ مان اَيَا؟ 9<sup>8</sup> مِينِزِي تورا ذِي تاوارِثِ نَ مَوسِي ”وار تَگَ شا تاشمانتِ اِ اُونُذوزِ حَبي اِسارواث.“ ما اَرَبِي اِحطَاخِ اِنُذوزنِ سَ نِيذَت؟ 10<sup>9</sup> نِيعَ اِقارِ اِثِ مارا ذِي طَوَعِ نَغ؟ وا، مان اَيَا تورا ذِي طَوَعِ نَغ، مِينِزِي وَنِي اِشارِزَن، اِتَخَصَّ اسَ اَذِ اِشارِزِ سَ وُسيثِمَ وُ وَنِي اِسارواثنِ سَ وُسيثِمَ، اِتَخَصَّ اسَ اَذِ اِطَفِ تاَسغارِثِ نَسَ ذِگَ وُسيثِمَ. 11<sup>10</sup> مارا نَشِينِ اَقَا نَزارِعَ جاراومِ مِينِ اِدِچانِ نَ اَرُوَح، خَنِي ما ذِ اَطاسِ مارا نَمَجارِ زايومِ مِينِ ذِ اِتَفَنِ زِي ثَمورِثِ؟ 12<sup>11</sup> مارا اِنُضُنِي غارسنِ رَحَقَ خاومِ ماحنَدِ اَذِ شارِشَنِ ذِي مِينِ اِدِچانِ نوم، مايبِي نَشِينِ كَنارِ لا؟ ماشا نَشِينِ وار نَسَخَدِيمِ شا تَسْرِيح-ا، ماشا اَذِ نارِبُو مارا، حِيما وار تَنگَ وُرا ذِ اِشَتِ نَ تَعِينِكرِيفِثِ اِ رَحبارِ اَصَبَحانِ نَ لَمَسِيح. 13<sup>12</sup> ما وار نَشِينِمِ شا بَلِي اِنِي اِنَسَخارِنِ اِثَمسارِيبِنِ اِقَدَسِنِ ذِي تاَدارِثِ نَ اَرَبِي، اَذِ تَتَنِ زِي مِينِ اِدِچانِ اِ تاَدارِثِ اِقَدَسِنِ وُشا اِنِي ذِينِ اِتراجانِ اِنَسَخارِثِ نَ وُعالطارِ اَذِ طَفَنِ تاَسغارِثِ نَسِنِ زِگَ وُعالطارِ؟ 14<sup>13</sup> اَمُو عاوذِ اِوصا سِيذِي اِنِي اِتبارِحنِ رَحبارِ اَصَبَحانِ، بَلِي اَذِ دَارِنِ زِي رَحبارِ اَصَبَحانِ.

15<sup>14</sup> ماشا زِي قاعِ مان اَيَا نَشِ وار زايِسِ اَرَبِيعِغَ شا وُ نَشِ وار ثِ وُريغِ شا حِيما اَذِ اِتواكُتِ مان اَيَا اِنَش، مَرِي وُويغِ اَذِ مِثِغِ نَشِ حَسَنِ قَبِرِ ما شا نَ اِجَنِ اَذِ اِسَبِضِرِ اَسَمغارِ اِنُو. 16<sup>15</sup> حَنِي مارا نَشِ تَبارِحِغِ سَ رَحبارِ اَصَبَحانِ، نَشِ وار غارِي شا مِينِ ذِي اِغا سَمغارِغِ، مِينِزِي اِنُتَخَصَّ اَبِي مان اَيَا. اَيِحاتِ خَافِي مارا وار بارِحِغِ شا رَحبارِ اَصَبَحانِ! 17<sup>16</sup> خِ وُيَبِي، مارا كُيغِ تِ سَ رَحاضارِ ثَشنا، اَذِ غارِي ييري رَحَقَ

ذِي رُمُونْت، ماشا مارا وار ت تَكْبِع س رِخاضار، اَقَا اَذ اِقِيْم رُوْمور ذِكْ وُفوس اِنُو.  
<sup>18</sup> مان ثن قاع اِدْچان ذ رُمُونْت اِنُو؟ اَقَات ذ ثا: اَم تَبَارِع س رِخَبار اَصْبَحان اَذ  
 سَحَضارغ رِخَبار اَصْبَحان ن لَمَسِيح باطر، وار كَسِيغ شا تَسْرِيح اِنُو كُورِشي ذِي  
 رِخَبار اَصْبَحان.

<sup>19</sup> نش، وُمِي ثُوغا غاري ثِيرْلِي زَاث اِ مَارَا اِوْذان، اَقَا اَرِغ اِخْف اِنُو ذ اِسْمَع ن مَارَا  
 حِيما اَذ اَرْبِعغ اَطاس ن اِوْذان اِ لِانْجِيل. <sup>20</sup> اِ وُذايِن ذورغ اَمَشْناو وُذاي حِيما اَذ اَرْبِعغ  
 وُذايِن، اِ يَنِي اِدْچان سادُو تاوْرات ذورغ اَمَشْناو وُني سادُو تاوْرات حِيما اَذ اَرْبِعغ اِنِي  
 سادُو تاوْرات. <sup>21</sup> اِ يَنِي اِدْچان نَبْرا تاوْرات ذورغ اَمَشْناو وُني نَبْرا تاوْرات - وار ذَجِيغ  
 نَبْرا تاوْرات قِيباتش اِ اَرْبِي، ماشا سادُو تاوْرات قِيباتش اِ لَمَسِيح - حِيما اَذ اَرْبِعغ اِنِي  
 اِدْچان نَبْرا تاوْرات. <sup>22</sup> ثُوغا-بي ضَعْفَغ غار اِنِي اِضْعَفْن، حِيما اَذ اَرْبِعغ اِنِي اِضْعَفْن،  
 اَقَا ذورغ ذ مَارَا اِ مَارَا، حِيما بَعْدَا اَذ سَنْجَمغ شا زَايْسِن. <sup>23</sup> قاع مان اِيا تَكْبِعْ ث ذِي  
 طَوْع ن رِخَبار اَصْبَحان، حِيما وُرا ذ نش س يِخْف اِنُو اَذ ذايِس طَفْغ ثاسْغارْث.

<sup>24</sup> ما وار ثَسِيْم شا بَلِي اِنِي اِتْكَنْ ثُحاماث ن ثازْرا ذِي زَمْرَعْب، مَارَا نِيشان اَقَا  
 تازْرِن، ماشا اِجْن زَايْسِن اِ غا يارْبِحْن واهَا؟ خْتِي اَزْم اَمُو اَرْ ذ غا ثارْبِحْم. <sup>25</sup> مَارَا  
 اِنِي اِتْكَنْ ثُحاماث، حَكْمَن خ يِخْف نَسْن ذِي مَارَا، نِيثِي حِيما اَذ اَرْبِحْن اِشْت ن  
 ثَمْرِيست ثَفْتَا، ماشا نَشِيْن حِيما اَذ نارْبِحْ اِشْتِن وار ثَفْنِي. <sup>26</sup> خ وُيْنِي نش وار تِيَزْرَغ  
 شا اَمْنِي واهَا، وار تَمْنِغِيغ شا س رُبُونِييَاث اَم وُني اِشْتان ذِي رَعوبِن، <sup>27</sup> ماشا ثَمَارَاتِغ  
 اَرِيْمْت اِنُو، اَذ اس قَتْمارغ، حِيما نش وار ثواسُوفوغغ شا بارَا اوارِنِي رايِي بارِغ  
 اِنْضِي.

### اَمْتِيْر ن اِسْرَائِيل

**10** اَمِيْزِي وار خَسْغ، اَ اَومائِن، اَذ ثَجْهْرْم، بَلِي رَجْدُوذ نَغ ثُوغا-ثن مَارَا سادُو  
 وُسِينُو وُشا مَارَا شُوْقَن ذِي رِبْحار، وُشا مَارَا ثواسْغَضْصَن ذِي مُوسِي ذِكْ  
 وُسِينُو وُ ذِي رِبْحار، <sup>3</sup> وُشا مَارَا شِيْن ماشا ثارُوْحشْت ذ اِشْت، <sup>4</sup> وُشا مَارَا سَوِيْن  
 ثِيْسَسِيْت ثارُوْحشْت ذ اِشْت، مِيْزِي نِيثِي سَوِيْن زِي ثَصْضارْث ثارُوْحشْت ثِي  
 اِثْن اِضْفارن وُشا ثاَصْضارْث نِي ثُوغا-ت ذ لَمَسِيح. <sup>5</sup> ماشا اَرْبِي ثُوغا وار يارْضِي خ  
 واطاس زَايْسِن، مِيْزِي اَقَا-ثن مُورْضَسْن ذِيْنِي ذِي رِخْا.

<sup>6</sup> مان اِيا اِمَسار ذ لَمائان اِ نَشِيْن، حِيما خْتِي وار ذايْنِغ اِتْبِرِي مَزْرِي ذِي مِيْن  
 اِعْفَن، اَم مامْش ثُوغا نِيثِي ذايْسِن مَزْرِي. <sup>7</sup> وار نَذِيكُوْرِم شا اَذ ثَعْبامْ لاصْنام،

اَمَشِنَاوِ شا زَايَسَن، اَم مامَش اِتَوَارِي ”اَيُدُوذ اِقِيمِ جِيما اَذ اِشْ اَذ اِشُو وُشا كَارَن جِيما اَذ اِرارَن.“<sup>8</sup> اَج اَنعِ وار نَتَقَعَبِ شا اَمَشِنَاوِ شا زَايَسَن. اَقَا مُوٿِنِ دِيَن ثَرَاثَا وُ عِيَشِرِيَن اَرَاَفِ ذَكْ اِجَّ نِ وَاَسَن. <sup>9</sup> وار تَقَدُّجَبِ شا سِيذِي اَم مامَش كَتِنِ شا زَايَسَن وُشا تَواهلِكَن س اِفيغِران. <sup>10</sup> وار تَسْفِيحِيخِمِ اَحْمِي شا زَايَسَن وُشا تَواهلِكَن زَكْ وُمَهْلَكْ. <sup>11</sup> مان اَيَا اِمَسار اَسَن، اَقَا ذ لِمائالِ اِ نَشِينِ وُشا ثُورا ذ اَعْرَامِ اِ نَشِينِ، نَشِينِ مِيخَفِ ذ اَوْضِنِ اِنكُورا نِ زَمَانِ.

<sup>12</sup> خِ وُيَبِي وُتِي وُمِي اِنعِيَرِ اَقَا اِبَدِ، اِوا اَذ اِحْضَا وار اِوِطِي. <sup>13</sup> اَقَا وار خَاوَمِ اِكِي شا نِ وُجَارَبِ اِ وار يِوِيوضِنِ شا غارِ بِنَاذَم، ماشا اَرَبِي ذِ اَصْدِيقِ، وُتِي وار كَتِبو اِتْجَانِ اَذ تَواجارَبِمِ سَتَجِ اِ مِيَن تَرْمَارَمِ، ماشا نَتَا اِتِيشِ وُفُوغِ اَك-ذِ وُجَارَبِ، جِيما تَرْمَارَمِ اَذِ ثارَبُومِ اَجَارَبِ.

### رُكاس نِ اَرَبِي ذِ رُكاس نِ شَواطنِ

<sup>14</sup> خِ وُيَبِي، اِمعيَزَن اِنُو، اَرُورَمِ زَكْ وُعبادِ اِ لاصنامِ. <sup>15</sup> ساوارغِ اَكِيذُومِ اَحْمِي ساوارغِ اَك-ذِ اِمِغِيَسِن، خَتِي حَكَمِ سِ يِخَفِ نِومِ خِ مِيَن ذِ اوَمِ قَارِغِ. <sup>16</sup> رُكاس نِ لَباراكا وُتِي نَتَباراكَ، ما وار اِذْجِي ذِ ثامُوتِ اَك-ذِ اِذامَن نِ لَمَسِيحِ؟ اَعْرُومِ وُتِي نَفَارَقِ، ما وار اِذْجِي ذِ ثامُوتِ اَك-ذِ اَرَبِمِ نِ لَمَسِيحِ؟ <sup>17</sup> سِ مِيَنزِي، واخَا نَشِينِ ذَكْ واطاسِ، اَقَا-نِغِ ذِ اِجَن نِ وِعْرُومِ ذِ اِشْتِ نِ اَرَبِمِ، اَقَا نَشَارَشِ مارَا ذَكْ اِجَّ نِ وِعْرُومِ. <sup>18</sup> خِزارَمِ غارِ اِسرايِلِ نِ وِيسُومِ، ما وِي اِتِنِ زَكْ وِيسُومِ وار غارسِ ثامُوتِ اَك-ذِ وُعالطارِ؟ <sup>19</sup> مِيَن اِغا اِنِغِ ذِي مانِ اَيَا؟ ما بَلِي مِيَن اِمُوشِنِ ذِ ناغَارَصْتِ اِ لاصنامِ ذِ شا نِغِ بَلِي لاصنامِ ذِ شا؟ <sup>20</sup> سِ رُعَكَسِ، اَقَا مِيَن وُشِينِ رُكَنُوسِ ذِ ناغَارَصْتِ، وُشِينِ تِ اِ شَواطنِ، وار اِذْجِي اِ اَرَبِي. وُشا نَشِ وار خَسِغِ اَذِ تَشَارَشِمِ اَك-ذِ شَواطنِ. <sup>21</sup> وار تَرْمَارَمِ اَذِ تَشومِ رُكاسِ نِ سِيذِي وُرا ذِ رُكاسِ نِ شَواطنِ، وار تَرْمَارَمِ اَذِ تَشَارَشِمِ تازوَضَا نِ سِيذِي وُرا ذِ تازوَضَا نِ شَواطنِ. <sup>22</sup> نِغِ اَذِ نَسْكَارِ ثُوسِمِي نِ سِيذِي؟ ما نَجهدِ خاسِ نَشِينِ؟

### تِبرَلِي نِ رَمُومِنِ

<sup>23</sup> مارَا اِتْحَدَجِرِ اَيِي، ماشا مارَا وار اِنْفَعِ. مارَا اِتْهَدَجِرِ، ماشا مارَا وار اِبَنِي. <sup>24</sup> وُرا ذِ اِجَّ وار يارزُو شا تِيَزِي نَسِ، ماشا تَتِي نِ وُتْضِينِي. <sup>25</sup> شَمِ مارَا مِيَن اِتْمِنَزَانِ ذِي شُوقِ نِ اِكْزَارِنِ، وار تَسَقْسِيمِ شا خِ سَيِيتِ نِ تَنْفَسَشْتِ، <sup>26</sup> مِيَنزِي ”اِ سِيذِي تَدْچَا

ٿامورٿ ذ رڪمارٿ نَس“. 27 مارا شا ن يِجَن زڪ اِنِي وار يُوِمينن اِعرَضِي شڪ وُ  
 تُخسَد اذ تُراحد، شَ زِي مارا مِين ذ اش اِذ غا اِسارس، وار تُسَقِيبي شا خ سَيِيٿ  
 ن تُنْفَسشت. 28 ماشا مارا حد اِنَا اش ”ذڪَا اِتواغارص اِ لاصنام“، وار زَايس تَت  
 ذِي طَوَع ن وُتِي اِذ اش اِعْرَمَن وُرا ذِي طَوَع ن تُنْفَسشت، ”س مِينِزِي اِ سِيذِي  
 نُدْچا مُورٿ ذ رڪمارٿ نَس“. 29 نَش نِيغ ذِي طَوَع ن ”تُنْفَسشت“، وار نُدْجِي  
 تُنْفَسشت نَڪ، ماشا ن وَضْطِي. مِينِزِي مَائِي اِ غا تَتواحاڪم تِيرَلِي اِنُو س تُنْفَسشت  
 ن وَضْطِي؟ 30 مارا نَش شارِشع س وُفاذِي، مَائِي اِ غا تَواشَقْفَع ذِي سَيِيٿ مِيخَف  
 تُقَاذِيغ؟ 31 خَنِي مارا تَتَم نِيغ تُسَم، كَم ت مارا اِ وُعُوذْجِي ن اَرِي. 32 وار تِيرِم ذ  
 تاعَنڪِرِيَف وُرا اِ وُذايِن وُرا اِ اِيُونانِيِن وُرا اِ تَمَسْمُون ن اَرِي، 33 اَمشِناو نَش عاوِذ  
 اَرزُوغ اذ د اسغ اڪ-ذ مارا ذِي كُورشي، وار اِذْجِي جِيما اذ اَرزُوغ نَفاع اِنُو، ماشا  
 ن واطاس، جِيما اذ تَواَسَجَمَن نِيَشِي.

## لَمَسِيح ذ اَزْدَجِيَف ن كُور اَرِياز، اَرِياز ذ اَزْدَجِيَف ن ثَمْغارٿ وُشا اَرِيي ذ اَزْدَجِيَف ن لَمَسِيح

**11** اَضْفارم اَبِي-د اَم مامَش ضْفارغ لَمَسِيح. 1 تُقَاذِيغ كَنِيو، اُ اَوَمائِن، مِينِزِي  
 تُنْفِڪارم ذايِي ذِي مارا، وُشا تَتَطْفَم ذِي تَوصِيات مامَش ذ اوم تَت وُشِيغ.  
 3 خَنِي خَسغ اذ تُسَم بَلِي لَمَسِيح ذ اَزْدَجِيَف ن كُور اَرِياز وُشا اَرِياز ذ اَزْدَجِيَف  
 ن ثَمْغارٿ وُشا اَرِيي ذ اَزْدَجِيَف ن لَمَسِيح. 4 كُور اَرِياز وُتِي اِتْرادْچان نِيغ اِنْڪاشافن  
 اَم اِرْحَف خ وُزْدَجِيَف نَس، اِفْطَح اَزْدَجِيَف نَس. 5 ماشا كُور ثامْغارٿ تُتِي اِتْرادْچان  
 نِيغ اِنْڪاشافن اَم وار تُرْحَف خ اِحْف نَس، تُفْطَح اَزْدَجِيَف نَس، مِينِزِي نَتَاٿ اَم تُتِي  
 اِحْفَن. 6 مِينِزِي مارا ثامْغارٿ وار تُرْحِيَف، اذ تُحَف عاوِذ. ماشا مارا ذ رَفْضِيحَت  
 اِ ثَمْغارٿ مارا تَقْص اَشُوَاف نِيغ تُحَف، حَسَن مارا تُرْحَف. 7 مِينِزِي اَرِياز وار  
 اِتْحَوِيَجِي شا اذ اِرْحَف اَزْدَجِيَف، اَقَا-ٿ ذ صِيَف ذ اَعُوذْجِي ن اَرِي، ماشا  
 ثامْغارٿ نُدْچا ذ اَعُوذْجِي ن ورياز. 8 مِينِزِي اَرِياز وار ذ اِقارص شا زِي ثَمْغارٿ، ماشا  
 ثامْغارٿ زڪ ورياز. 9 وُشا عاوِذ وار ذ اِحْرِيَق شا ورياز اِ ثَمْغارٿ، ماشا ثامْغارٿ اِ  
 ورياز. 10 خ وُيا اِتْحَص اس اِ ثَمْغارٿ اذ تُك اِشٿ ن رِعْرامٿ ن صُولطا خ وُزْدَجِيَف  
 نَس خ سَيِيٿ ن لَمالاڪاٿ. 11 ماشا ذِي سِيذِي ثامْغارٿ نَبْرَا اَرِياز وار نُدْجِي ذ شا،  
 وُرا ذ اَرِياز نَبْرَا ثامْغارٿ وار اِذْجِي ذ شا. 12 مِينِزِي اَمشِناو ثامْغارٿ تُوسِي-د زڪ  
 ورياز، اَمْنِي عاوِذ اَرِياز اِنْڪ-د زِي ثَمْغارٿ، ماشا مارا مِين اِذْچان اَقَا-ٿ زِي اَرِيي.

<sup>13</sup> حڪم ڪنڻو سيمانت نوم، ما ٿوسِي-د خ ٿمغارٺ اذ ٿزادج اِ اِريي س ٿزُدجيف وار اِرحفن؟ <sup>14</sup> ما ٿبارٺ سيمانت ٿس وار ذ اوم ٿسشان بلي اُشوواف ذ اِزيرار ذ رِفْضِيحٺ اِ ورياز؟ <sup>15</sup> ماشا اِ ٿمغارٺ ذ اَعُوذجي مارا غارس پيري وُشوواف ذ اِزيرار، مينري اِموش اس وُشوواف ذ اِزيرار اَم وُرحاف. <sup>16</sup> ماشا مارا حد اِخس اذ اِخاروض، نشين وار غازنغ بو ٿناميٺ ني وُرا ذ ٿيمسْمونين ن اِريي.

### اَمْنَسِي اِ قَدْسِن

<sup>17</sup> اَم وِصِيغ ٿيمسراين-ا رُحو، اَفا وار ذ اوم ٿڪغ شان، مينري وار ٿمونم شا اِ رخار، ماشا ڪٺار اِ زغار. <sup>18</sup> وُمزوار، مارا ٿمونم اَم ٿمسْمونت، سريغ اَفا ذين جاراوم اَمْسَبْضِي، وُشا اَفا تامنغ شا زي مان آيا، <sup>19</sup> اس مينري اِئخص اذ ذين پيري جاراوم اَمْسَبْضِي ن ٿبريذين، جيما اذ اِبان مان ون زانوم اِذجان ذ اِمقدچابن.

<sup>20</sup> رايمي ٿمونم، ذڪا وار اِذجي جيما اذ ٿشم اَمْنَسِي ن سيذي. <sup>21</sup> مينري اَم ٿشم، ڪور اِج اِزار اذ اِڪسي اَمْنَسِي ٿس وُشا اِجن ذايس راز وُشا ٿضني اسشارا. <sup>22</sup> ما وار غاروم ٿوذرين ماني اِ غا ٿشم وُ ماني اِ غا ٿسوم؟ نيغ ٿسحقارام ٿامسْمونت ن اِريي وُشا ٿسحشامم اِنِي وار غار اِذجي شا؟ مين ذ اوم اِ غا اِنِيغ؟ ما اذ اوم ٿڪغ شان؟ ذي ذڪا وار ذ اوم ٺ ٿڪغ شا. <sup>23</sup> مينري مين ٿطفغ زي سيذي، سبوضغ اوم ٺ-يد، بلي سيذي يشو ذي ذجيرٺ اِ ذي اِٿواسلم، اِڪسي اِغروم، <sup>24</sup> وُشا اوارني رايمي اِقادا، يارزا اِٺ، اِنَا ”ڪسيم، ٺا اذ اِريٺ اِٿو اِ خاوم يارزن، ڪم آيا وُشا اِضارم اِبي.“ <sup>25</sup> وُشا اَمُو اوارني اَمْنَسِي اِڪسي رُڪاس، اِنَا ”رُڪاس-ا ذ رعاھذ ن جذيذ ذڪ اِذامن اِٿو. ڪم آيا، مشحار ما زايس ٿسويم، اِ ريارٺ اِٿو. <sup>26</sup> س مينري مشحار ما اِ غا ٿشم اِغروم-ا وُشا اذ ٿسوم زي رُڪاس-ا، اَفا ٿبَارَحَم س رموٺ ن سيذي اِ اِ د غا ياس.“

<sup>27</sup> خ وُيني مان ون ما اِ غا اِشن اِغروم-ا نيغ اذ اِسو زي رُڪاس ن سيذي ٿبرا اوقار، اذ پيري س وُمارواس اِ اِريٺ ذ اِذامن ن سيذي. <sup>28</sup> خ وُيني اِج ٺنادم اذ اِقدچب اِخف ٿس، وُشا اِج اِٺ اذ اِٿس اَمُو زڪ وِغروم وُ اذ اِسو زي رُڪاس. <sup>29</sup> مينري وي اِ غا اِشن ذ وي اِ غا اِسون ٿبرا اوقار ذ وني اِ غا اِسيوضن رُڪوم غار اِخف ٿس اَم اِٺت وُ اَم اِسن، مينري ٺتا وار اِفارز شا اِريٺ ن سيذي. <sup>30</sup> خ وُيني اَفا ذين اِطاس ن يني اِضعفن ذ يني اِهرشن جاراوم وُشا اِطاس ذورن ٿطصن. <sup>31</sup> مارا نڪا اذ نحڪم اِخف نغ، خني وار خانغ اِٿواحڪم. <sup>32</sup> ماشا مارا ٺواحڪم زي سيذي، اَفا ٺتواربا، جيما وار ٺواحڪم شا اڪ-ذ ڏونيٺ. <sup>33</sup> اَمُو خني، اِ اومائڻ، خوي اِ غا ٿمونم جيما

اَذْ تَشْم، راجام اِجَن وَنَضْنِي. <sup>34</sup> مارا حد ذائيس راز، اَذْ اِشْ ذِي تادارث نَس، حِيما وار تَشْمونم اِ شَرَاع. مِين اِقِيمِن، اَذْ ث عَدْرَغ حَمِي اِ د غَا يَسَغ.

### ثيموشا ن اَرُوَح

**12** اوار خَسَغ شا، اَ اَومائِن، اَذْ تَجْهَرْم ذِي ثيمسرايين ن اَرُوَح. <sup>2</sup> اَقَا تَسْنَم بَلِي  
 اَومِي تُوغا كَنِيو عاَذْ ذ اِبَارَانِييَن زِي رَكْنوس، تَتَواسَوَدَارْم غار لاصنام اِكْناون.  
<sup>3</sup> خَ وُيْنِي سَارَكْبَغ كَنِيو، اَقَا وار ذِين وَي اِسْاوارن س اَرُوَح ن اَرَبِي اَذْ اِنِي 'اَقَا اِتَوانعر  
 يَشُو' وُشا وار ذِين وَي اِزْمارن اَذْ اِنِي 'يَشُو ذ سِيذِي' مَغِير س اَرُوَح اِقْدَسِن واها.  
<sup>4</sup> اَقَا ذِين ثيموشا اِفارزن، ماشا اَرُوَح اِدْچا ذ اِجَن. <sup>5</sup> وُشا اَقَا ذِين رَحْذايِم ن  
 تَسْحَارْث اِفارزن، ماشا سِيذِي اَقَا-ث ذ اِج. <sup>6</sup> وُشا اَقَا ذِين اَفراز ن رَحْذايِم، ماشا  
 اَرَبِي اِ ذ اِتْكَنْ مارا ذِي مارا، اَقَا اِدْچا ذ اِج. <sup>7</sup> ماشا اَسارْكَاب ن اَرُوَح اَذْ اِتَواموش  
 اِ كُور اِجْ ذِي طَوَع ن مارا. <sup>8</sup> اَقَا س اَرُوَح اِتَواموش اِ يِجَن اَوار ن ثِيغِيث، اِ وَنَضْنِي  
 اَوار ن تَومسنا س اَرُوَح ذ اِجَن، <sup>9</sup> وَنَضْنِي لايَمان س اَرُوَح ذ اِجَن، اِ وَنَضْنِي ثيموشا  
 اِ وُسْكَفِي س اَرُوَح ذ اِجَن، <sup>10</sup> وَنَضْنِي ماحنْذْ اَذْ اِكْ رَعْجايِب، اِ وَنَضْنِي اَكْاشاف  
 ن واوارن اَرَبِي، اِ وَنَضْنِي رَفارزن ن اَرُوَحْث، اِ وَنَضْنِي عرام كُور ن اِرساون وُشا اِ  
 وَنَضْنِي اَفْستار ن اِرساون. <sup>11</sup> ماشا مان اَيَا مارا اِتْكَ اِثْ اَرُوَح ذ اِجَن وَنِي اِبْطان اِ كُور  
 اِجْ اَنْشْث مامْش اِخْس نْتا.

### اَرِيْمْث ن لَمْسِيحْ ذ اِشْثِن

<sup>12</sup> مِينِزِي اَم اَرِيْمْث نْدْچا ذ اِشْث وُشا غارس اَطاس ن اِغْزِديسن وُ خَنِي مارا  
 اِغْزِديسن ن اَرِيْمْث، واخا نِيئِي اَطاس، اَقَا تَكْن اِشْث ن اَرِيْمْث، اَمُو عاوْذ  
 لَمْسِيح. <sup>13</sup> مِينِزِي نْتَواسَغْضَص مارا س اِج ن اَرُوَح ذَكْ اِشْثِن اَرِيْمْث، نِيغ وُذايِن  
 نِيغ اِيونانِييَن نِيغ اِسْمغان نِيغ اِحورِييَن وُشا اِموش اَنغ مارا اَذْ نَسُو زَكْ اِج ن اَرُوَح.  
<sup>14</sup> وُرا ذ اَرِيْمْث وار تَدْجِي شا ذ اِج ن وُغْزِديس، ماشا س واطاس ن اِغْزِديسن.  
<sup>15</sup> مارا اَضار اَذْ اِنِي مِينِزِي وار دَجِيغ ذ اَفوس، وار دَجِيغ زِي اَرِيْمْث، ما خَنِي وار  
 اِتِيرِي زِي اَرِيْمْث؟ <sup>16</sup> وُشا مارا اَمْرُوغ اِنا، مِينِزِي وار دَجِيغ ذ ثِيْط، وار دَجِيغ زِي  
 اَرِيْمْث، ما خَنِي وار اِتِيرِي زِي اَرِيْمْث؟ <sup>17</sup> مارا مارا اَرِيْمْث تُوغات-ذ ثِيْط، مانيِس  
 د اِكا وُسْدَجِي؟ مارا مارا اَرِيْمْث تُوغات-ذ اَسْدَجِي، مانيِس د اِكا وُشْمِي؟ <sup>18</sup> ماشا  
 رَحُو اَرَبِي اِكا اِغْزِديسن ذِي اَرِيْمْث، كُور اِجْ زايِسِن اَم مامْش اِخْس نْتا. <sup>19</sup> مِينِزِي

مارا مارا ٿوڻا ذ اِج ن وُغزڏيس، ماني ٿڊڇا اَرِيْمٿ خٽِي؟<sup>20</sup> ماشا رڻو اَقا ڏين اَطاس ن اِغزڏيسن، ماشا ذ اِشٽ ن اَرِيْمٿ واه. <sup>21</sup>اِٽِيٽ وار ٿرمار اڏ ٿيني اِ وُفوس ”وار شك حويجغ شا“ نيغ عاوڏ اَزڏجيف اِ اِضارن ”وار ڪنيو حويجغ شا“. <sup>22</sup>س رَعڪس، اَقا اِغزڏيسن ن اَرِيْمٿ اِٽِي اِٽبانن ضَعْفن ڪٿار، اَقا نيٿني تَواحدجن ڪٿار. <sup>23</sup>وُشا اِغزڏيسن ن اَرِيْمٿ اِ ذ انغ اِٽغيرن س ڏروس ن شان، نَتڪَ اَسن شان ڪٿار وُشا اِغزڏيسن اِٽِي وار اِٽيين اِشنان، اڏ اسن نَسَحِيٽب س واطاس ن رهزوث. <sup>24</sup>مِينزِي اِٽِي غار اِڊڇا رهزوث، وار حداجن مان ايا، ماشا اَرِيْمٿ اِڪا اَرِيْمٿ اَمُو، بلي اِغزڏيسن اِ اِڊڇان ذ قل، اَقا اِوش اَسن شان ڪٿار، <sup>25</sup>جيما وار اِٽيري وُبطو ڏي اَرِيْمٿ، ماشا اِغزڏيسن اڏ وشن ٿاٽيٿ اِجن اِ وُضني ڏڪ وُقارن ذ اِجن. <sup>26</sup>مارا اِج ن وُغزڏيس ٿنڪ خاس ٿامارا، مارا اِغزڏيسن اڏ ڪيبن ٿامارا اِڪيس وُشا مارا اِج ن وُغزڏيس اِٿواسٿع، اڏ فارحن مارا اِخفاون اِڪيس. <sup>27</sup>خٽِي ڪنيو ذ اَرِيْمٿ ن لَمَسِيح ذ اِغزڏيسن ڪور اِجن وُحدس.

<sup>28</sup>وُشا اَرِيْمٿ اَقا اِڪا ڏي ٿمسمونٽ ذ اَمزوارو اِمازانن، خٽِي اِمڪاشافن، ويس ٿراٿا اِمسرمادن، خٽِي رَعجايب، اوارني اَسن ٿيموشا ن وُسڪنفي، رَحڏايم ن ٿوپزا ذ وُضبر وُشا عرام ڪور اِرساون. <sup>29</sup>ما زعما مارا نيٿني ذ اِمازانن؟ ما مارا ذ اِمڪاشافن؟ ما مارا ذ اِمسرمادن؟ ما مارا نيٿني تڪن رَعجايب؟ <sup>30</sup>ما مارا غارسن ٿيموشا ن وُسڪنفي؟ ما ساوارن مارا س اِرساون؟ ما ٿفسارن مارا اِرساون؟ <sup>31</sup>اَرزوم خٽِي ڏي ٿموشا ٿيصبحاين وُشا نش اڏ اوم سَشغ اَبريد يوعران قاع.

### ٿايري

**13** <sup>1</sup>ماعليڪ نش سٿوارغ س اِرساون ن اِوڏان ذ لَمالاڪاٿ، ماشا وار غاري بو ٿايري، اَقا ڏورغ ذ نَحاس اِٽنئون نيغ ذ اڏڇون اِڏنڏونن.

<sup>2</sup>ماعليڪ غاري ٿاموشي ن وُڪاشاف ن واورن ن اَرِيْمٿ، فُهغ مارا رسرار ذ مارا ٿاموسنا، وُشا ٿوڻا غاري مارا اِلايمان اَر ذ سَمُوٽيغ اِڏورار، ماشا وار ذ اِبي ٿڊجي ٿايري، نش ذ والو اِڏجغ.

<sup>3</sup>ماعليڪ بضيغ مارا اڪرا اِنو، ماعليڪ وُشيغ اَرِيْمٿ اِنو جيما اڏ ٿشمض، ماشا وار ڏايري ٿڊجي ٿايري، وار ذ اِبي ٿنفع ڏي والو.

<sup>4</sup>ٿايري ٿڊڇا غارس تاسيع ن رَحاضار ذ رضراٿ.

ٿايري وار ڏايس بو ٿوسجي، ٿايري وار ٿنفيش س يِخف نَس،

وار ڏايس بُو نفاخت،<sup>5</sup> وار تَتَمَع حد،  
 وار ٿارو ٿيزي نَس، وار ٿوٿواسارزاڱ  
 وُشا وار تَقِيم تَحَمَام ڏي مين اِڊچان ڏ اَعْفَان.  
<sup>6</sup>اَقا وار ٿفَارَح شا زي مين وار اِسڪَڏن، ماشا ٿفَارَح زي ٿيڏت.  
<sup>7</sup>اَقا ٿرَحَف مارا، ٿنامن ڏي مارا،  
 ٿسائِم مارا وُشا ٿارُبُو مارا.  
<sup>8</sup>ٿايرِي وار ٿفَنِي عَمَارَص،  
 ماشا اَڪاشف ن واورن ن اَرِي اِڏ اِڙس،  
 اِرساون اِڏ ڪُئون وُ ٿاموسنا اِڏ ٿبضر.

<sup>9</sup>مينزي اَقا نَسَن غار اِج ن وُغزِڏيس واه وُشا نٿڪاشاف مغير اِج ن وزين.<sup>10</sup> ماشا  
 خَمِي اِ د غا ياس وُڪَمَر، رَخڏني مين اِڊچان غار اِج ن وزين اِڏ اِڙس.<sup>11</sup> رامي  
 ٿوغا-يي ڏ اَسِيوي، سَوَرُغ اَمَشِناو اَسِيوي، فڪارغ اَمَشِناو اَسِيوي، خارصغ اَمَشِناو  
 اَسِيوي. ارامي ڏورغ ڏ اَرِياز، جِيغ اوارني اِيي مين اِڊچان ن وُسيوي.<sup>12</sup> رِخُو نٿوارا  
 س اِشٿ ن ٿيسپٿ اِبارشَنن، ماشا خني اِڏ نزار ٿيفراس غار ٿيفراس. رِخُو سَنغ غار  
 اِج ن وزين واه، ماشا خني اِڏ سَنغ مامَش ٿوغا ٿواسنغ نش.<sup>13</sup> خني رِخُو اِڏ اَقِيم  
 لايمان، اَسِيئَم ڏ ٿايري، اَقا ٿراٿا-يا، ماشا اَمَقَران نَسَن اَقا-ت ڏ ٿايري.

### ٿاموڻشي ن وُڪاشاف وُ ٿموڻشي ن اِرساون

**14** اَضْفارم ٿايري وُ نَجَبدم غار ٿموڻا ن اَرُوخ، ماشا خ وُڪاشاف ن واورن  
 ن اَرِي ڏ اَمزوارو.<sup>2</sup> مينزي وٽي اِساوارن س اِج ن اِرس، وار اِسيوير شا اِ  
 اِوڏان، ماشا اِ اَرِي، مينزي وُرا ڏ اِج وار ڏ اس اِفَهَم، ماشا اِساوار رسرار س اَرُوخ.  
<sup>3</sup>ماش وٽي اِٿڪاشافن اوارن ن اَرِي اِساوار اِڪ-ڏ اِوڏان جِيما اِڏ ٿن اِپنا، اِڏ ٿن اِزِيٿار  
 وُشا جِيما اِڏ ٿن اِعزَا.<sup>4</sup> وٽي اِساوارن س اِج ن اِرس، اِپنا اِخف نَس، ماشا وٽي  
 اِٿڪاشافن اِپنا ٿامسُمونت.<sup>5</sup> اَمُو خني، خَسغ ڪَٿيو مارا اِڏ ٿسيورم س اِرساون، ماشا  
 مليح عاڏ اِڏ ٿڪاشفم، مينزي اَمزُو وي اِٿڪاشافن خ وي اِسيويرن س اِرساون، مغير  
 مارا وائينا اِڏ ٿ اِفسار جِيما اِڏ ٿوٿابنا ٿمسُمونت.<sup>6</sup> ماشا رِخُو، اِوَمائِن، مارا وُسيغ-د  
 غاروم وُشا اِڏ ڪيوم سَوَرُغ س اِرساون، مان نَفاع اِ غاروم مارا وار ڏ اوم سَوَرُغ شا  
 س وُساَرڪب نيغ س ٿموسنا نيغ س وُڪاشاف نيغ س وُسرمد؟<sup>7</sup> مارا رحوايش وار

اِڏارن، اَمَشِناوِ تاَمِجايِغِ رِڪامِبرِي، ڪَينَ رَحَسَ نَبِراَ ماَ اَڏِ اِتِواَفارِزِ رَحَسَ نَسِن، ماَمَشِ اِ غاِ اِڏورِ اِتِواَسِن مِينِ اِتِيرانِ سِ تاَمِجايِغِ سِ رِڪامِبرِي؟<sup>8</sup> وُشاَ ماراَ رُبوقِ اِڪاَ رَحَسَ وارِ يَصْفِي، وِي اِ غاِ اِسِوَجِدِن اِ وُمنغِي؟<sup>9</sup> اَمُوَ عاوِڏِ ڪَنبو، ماراَ وارِ تَسِيوِيرِمِ شاَ اَوارِ اِصْفاَ سِ اِرسِ، ماَمَشِ اِ غاِ فَهْمِن مِينِ تَقارَم؟ مِينِزِي اَڏِ تِيرِيمِ اَمِ وِتيِ اِساوارِنِ ذِي روهِي. <sup>10</sup>اَقاَ ذِينِ وِي اِسِننِ مَشْحارِنِ داباَثِ نِ تِمِيجاوِينِ ذِي دُونِيتِ وُشاَ وُراَ ذِ اِشِننِ زايَسِنتِ وارِ تَدَجِي نَبِراَ رَحَسَ نَس. <sup>11</sup>خَنِيِ ماراَ وارِ سِينِغِ جَهْدِ نِ رَحَسَ، اَڏِ اِريغِ نَشِ ذِ اِجِ نِ وُبارانِيِ اِ وِتيِ اِساوارِنِ، ذِ وِتيِ اِساوارِنِ اَڏِ پِيرِيِ ذِ وُبارانِيِ اِ نَش. <sup>12</sup>اَمُوَ عاوِڏِ ڪَنبو، وُمِيِ تَنجَبْمِ غارِ تَموشاَ نِ اَرُوحِ، اَرُزومِ اَڏِ نَغِيضَمِ ذِي طوعِ نِ رِنِيِي نِ تَمَسْمُونتِ.

<sup>13</sup>خِ وُيِيِي، وِتيِ اِساوارِنِ سِ شاَ نِ اِرسِ، اَڏِ اِزادِجِ جِيماِ اِزمارِ اِ وُفَسارِ نَس. <sup>14</sup>مِينِزِيِ ماراَ نَشِ زودِجِغِ سِ شاَ نِ اِرسِ، اَرُوحِ اِنُوَ اَقاَ اِزودِجِ، ماشاَ رَعقرِ اِنُوَ اَڏِ اِقيَمِ نَبِراَ رَعِيَدِچِث. <sup>15</sup>ماَمَشِ تِڪاَ؟ اَڏِ زادِجِغِ سِ اَرُوحِ، ماشاَ اَڏِ زادِجِغِ عاوِڏِ سِ رَعقرِ، اَڏِ غَنجِغِ اِزْرانِ نِ وُسمْغارِ سِ اَرُوحِ، ماشاَ اَڏِ غَنجِغِ عاوِڏِ سِ رَعقرِ. <sup>16</sup>مِينِزِيِ ماراَ تَقاَذِيذِ سِ اَرُوحِ واها، خَنِيِ ماَمَشِ اِ غاِ پِينِيِ حدِ وِتيِ ذِينِ اِقيَمِنِ ”اَمِين“ اِ تَرادِجِثِ نِ وُفاذِيِ نِڪَ، اَمِ وارِ اِسِننِ مِينِ تَقارِذِ. <sup>17</sup>مِينِزِيِ واخاَ شِڪِ تَقاَذِيذِ مِليحِ، ماشاَ وَنْضِنِيِ وارِ اِتِوابَتِيِ شاَ زِيِ مانِ اَيَا. <sup>18</sup>نَشِ تَقاَذِيغِ اَرَبِيِ اَقاَ ساوارِغِ سِ اِرساونِ ڪنارِ زايومِ ماراَ. <sup>19</sup>مَشاَ ذِي تَمَسْمُونتِ اَقاَ ماَعْلِيڪِ وُفِيغِ اَڏِ اِنِيعِ خَمَساَ نِ وِوارِنِ سِ رَعقرِ اِنُوَ جِيماِ اَڏِ سَرْمِذِغِ عاوِڏِ اِنِضِنِيِ وُراَ عَشراَ نِ اَرافِ نِ وِوارِنِ سِ اِجِ نِ پِيرِسِ.

<sup>20</sup>اَ وُماشِن، وارِ تِيرِيمِ ذِ اِحْنَجِرِنِ ذِي رَعقرِ، ماشاَ اِرِيمِ ذِ اِحْنَجِرِنِ ذِي تُوَعَفْنا، ماشاَ اِرِيمِ تِيوضَمِ ذِي رَفْهامتِ. <sup>21</sup>اَقاَ توراَ ذِي تاوْراَثِ ”اَڏِ سَوْرِغِ اِ وِئِدُوذِ-اَ سِ اِرساونِ ذِ اِنِشِيشِنِ نِ اِبارانِيِينِ، واخاَ اَمُوَ وارِ ذِ اِيِيِ تَمَرِنِ شا“، اِنَاَ سِيذِي. <sup>22</sup>اَمُوَ خَنِيِ اِرساونِ ذِ رَعرامِثِ، وارِ اِڏِجِيِ اِ پِنِيِ يَوْمِنِ، ماشاَ اِ پِنِيِ وارِ يَوْمِينِ شا، ماشاَ اَڪاشافِ نِ وِوارِنِ نِ اَرَبِيِ وارِ اِڏِجِيِ اِ پِنِيِ وارِ يَوْمِينِ، ماشاَ اِ پِنِيِ يَوْمِنِ.

<sup>23</sup>خَنِيِ ماراَ ماراَ تاَمَسْمُونتِ تُوغاَ تَسْمُونِ وُشاَ ماراَ تُوغاَ ساوارِنِ سِ اِرساونِ وُشاَ وُذْفِنِ اِنِيِ اِجْهَرِنِ نِيغِ اِنِيِ وارِ يَوْمِينِ، ما نِيثِيِيِ وارِ قارِنِ بَلِيِ اَقاَ ڪَنبو تَنخَرَفَم؟ <sup>24</sup>مَشاَ ماراَ ماراَ ڪاشفِنِ وُشاَ يُوذَفِ-دِ حدِ وارِ يَوْمِينِ نِيغِ حدِ اِجْهَرِ، خَنِيِ وائِشاَ اَڏِ اِتِواَسْتَمَعِ زِيِ ماراَ وُشاَ اَڏِ اِتِواَحْڪَمِ زِيِ ماراَ <sup>25</sup>وُشاَ مِينِ اِنُوْفارِنِ ذِڪِ وُرِ نَسِ اَڏِ اِڏورِ غارِ تَفاوتِ، اَڏِ اِياضارِ سِ وُذَمِ نَسِ، اَڏِ اِسْجَدِ اِ اَرَبِيِ، اَڏِ اِبارَحِ، اَقاَ سِ تِيذتِ اَرَبِيِ اَقاَثِ جاراومِ.

## اَعْبَاذ نِ ثَمْسُمُونَتِ اِ اَرَبِّي اَذِ بِيَرِي سِ وُسْتَفِّ

<sup>26</sup> مامشِ خَتِّي، اَ اَؤُمائِن؟ مارا ثُمونم، کُورِ اِجِنِ زَايُومِ اَذِ غَارَسِ بِيَرِي اِجِ نِ وُسْبِيحِ نِيغِ اِشْتِ نِ ثُعُورِي نِيغِ اِجِ نِ وُسَارُكْبِ نِيغِ اِجِ نِ بِيَرَسِ نِيغِ اِجِ نِ وُفْسَارِ. اَجِّ اَذِ بِيَرِي مارا اِ رِبِنِي. <sup>27</sup> مارا ذِينِ حِدِ اِسُورِ سِ اِجِ نِ اِرسِ، اَجِّ اِئِنِ اَذِ سُوْرِنِ سِ ثُنائِنِ نِيغِ سِ واطاسِ ثُرانا يِيذَسِنِ وُشا کُورِ اِجِنِ زَايَسِنِ سِ ثُوْبِثِ نَسِ، خَتِّي اِجِنِ اَذِ اِفْسَارِ. <sup>28</sup> وُشا مارا وارِ ذِينِ اِذْجِي وَيِ اِزْمَارِنِ اَذِ اِفْسَارِ، اَذِ اِسْقارِ نَتّا ذِيِ ثَمْسُمُونَتِ، اَذِ اِسُورِ اِ يِيخَفِ نَسِ وُ اِ اَرَبِّي. <sup>29</sup> اَذِ سُوْرِنِ اِمْكَاشافِنِ سِ ثُنائِنِ نِيغِ ثُرانا وُشا اِنْضِي اَذِ حَكْمِنِ. <sup>30</sup> وُشا مارا وَنْضِي اِقِيْمِنِ ذِينِ اَذِ اِتْوَاسارْكَبِ خِ شَا، خَتِّي اَذِ اِسْقارِ وُمزوارِ. <sup>31</sup> مِيْنِزِي ثُرْمارْمِ اَذِ ثُكَاشفَمِ اُوارِنِ نِ اَرَبِّي مارا اِجِنِ اُوارِنِي وَنْضِي، حِيْما مارا اَذِ رَمْدِنِ وُشا اَذِ ذايَسِنِ اِتْوَاكَ وُرِ مارا. <sup>32</sup> وُشا اُرُوْحاِثِ نِ اِمْكَاشافِنِ، اَقّا-ثِنْتِ سادُو اِمْكَاشافِنِ، <sup>33</sup> مِيْنِزِي اَرَبِّي وارِ اِذْجِي ذِ اَرَبِّي نِ وُخارُوْضِ ماشا نِ رَهْنا، اَمْشِناوِ ذِيِ مارا ثِيْمْسُمُونِيْنِ نِ اِمْقَداسِنِ <sup>34</sup> ثُوْسِي-دِ خِ ثَمْعارِيْنِ نُوْمِ اَذِ سُوْسَمَنَتِ ذِيِ ثَمْسُمُونِيْنِ، مِيْنِزِي وارِ دِ اسنَتِ اِسْمِيحِ اَذِ سِيورِنَتِ، ماشا اِسْهُوْارِ اسنَتِ اَذِ طاعنَتِ اَمِ مامشِ ثَقارِ عاوْذِ تاواراِثِ. <sup>35</sup> وُشا مارا خُسَنَتِ اَذِ رَمْدَنَتِ شَا، اَذِ سَقَسانَتِ اِرِيازِنِ نَسَنَتِ ذِيِ ثاذاَرِثِ نَسِنِ، مِيْنِزِي وارِ دِ ثُوْسِي اِ ثَمْعارِثِ اَذِ ثَسِيورِ ذِيِ ثَمْسُمُونَتِ. <sup>36</sup> ما زَعْمًا اِفْع-دِ زَايَكِنَتِ اُوارِنِ اَرَبِّي؟ نِيغِ بِيوْض-دِ غارُوْمِ وَاها؟ مارا حِدِ اِتْعَبِرِ اسِ ذِ اِمْكَاشافِ نِيغِ ذِ بِنادِمِ اُرُوْحانِي، اَذِ اِعْقَرِ مَلِيحِ بَلِي مِيْنِ دِ اوْمِ تارِيغِ، اَقّا-ثِنْتِ ذِ ثِيوْصًا نِ سِيذِي. <sup>38</sup> ماشا مارا حِدِ اِجْهَرِ، اِجْهَرِ وَاها. <sup>39</sup> اَمُوْ خَتِّي، اَ اَؤُمائِنِ، نَجْبِدْمِ غارِ وُكَاشافِ، وارِ مَنَعَمِ شَا اُوارِ سِ اِرِساوِنِ. <sup>40</sup> اَذِ اِمِساَرِ مارا سِ لاذاِبِ وُ سِ وُسْتَفِّ.

## ثانُوْكَرا نِ لَمِسيحِ

**15** اِخْتِي اَذِ كَنِيوِ سارْكَبِغِ، اَ اَؤُمائِنِ، رَحْبارِ اصْبَحانِ وِتِّي ذِ اوْمِ بارْحِغِ، ذِ وِتِّي ثَقَبْرِمِ، خِ مِيْنخَفِ ثَبْدَمِ، <sup>1</sup> اِ زِي اِ غاِ ثَتْوَاسَجْمِ عاوْذِ مارا ثَطْفَمِ ذايَسِ اَمِ مامشِ ذِ اوْمِ ثِ بارْحِغِ، نِيغِ اَحْمِي زَعْمًا ثُوْمَنِمِ باطِرِ. <sup>3</sup> مِيْنِزِي اَمْزوارِ سَعْدُوْغِ اوْم-دِ مِيْنِ ثُوْغاِ طَفْغِ نَشِ سِ يِيخَفِ اِنُوْ، اَقّا لَمِسيحِ اِمُوْثِ خِ ذِ ثُوْبِ نَغِ علاْحَسابِ مِيْنِ اِزْمِنِ ذِ اِذِلِيْسِنِ، <sup>4</sup> اَقّا اِتْوَانْضِرِ وُشا اِتْوَاسنْكَارِ ذِكَ وَاسِ وَيَسِ ثُرانا علاْحَسابِ اِذِلِيْسِنِ، <sup>5</sup> وُشا اِضْهَارِ-دِ غارِ سِيْفاسِ، خَتِّي غارِ ثَعاشِ نِ اِمْحَضارِنِ. <sup>6</sup> اُوارِنِي اسِ اِبانِ-دِ اِثِيوْا نِ حَمْسا مِيّا نِ وَاوْمائِنِ ذِكَ وُموْرِ ذِ اِجِنِ، اَطاسِ زَايَسِنِ عاذاِ دَارِنِ

وُشا اِنصِنِي اَقَا طَصَن. <sup>7</sup>اوارني اس اِضهار-د اِ ياعقوب، خِنِي اِ مارا اِمازانن. <sup>8</sup>وُشا غار وُنكَارو مارا، اِضهار اِيي-د اِ مَشناو اِ وِني د اِخرقن بارا اِ روقث نَس. <sup>9</sup>مِينِزِي نَش دَجِيع ذ اِمازوز قاع زكَ اِمازانن، وار سَلِيهِيَجع اَذ اِيي راغان اِمازان، مِينِزِي نَش ثوغا دارشغ اِمامسُمونَت ن اِرَبِي. <sup>10</sup>ماشنا س نِيعمَت ن اِرَبِي اِ دَجِيع مِين دَجِيع وُشا نِيعمَت نَس اِ نَش وار اِندَجِي باطر، مِينِزِي نَش خَدَمغ ماهُو قاع خاسن مارا، ماشنا وار اِندَجِي ذ نَش، ماشنا نِيعمَت ن اِرَبِي نِيي اِ دِجان اَكِيذِي. <sup>11</sup>خِنِي ما ذ نَش نِيع ذ نِيتِي، اُمُو اِ نَبارَح، اُمُو اِ اِثامنم.

### ثانوكرا ن اِمْتِينن

<sup>12</sup>خِنِي مارا اِتوابع س لَمسِيح بَلِي اَقَا اِتواسنكار-د زكَ اِمْتِينن، مامَش خِنِي زمارن شا جاروام اَذ اِينن بَلِي وار اِين بُو ثنوكرا ن اِمْتِينن؟ <sup>13</sup>مِينِزِي مارا وار اِين بُو ثانوكرا ن اِمْتِينن، وُرا ذ لَمسِيح وار ذ اِتواسنكار خِنِي، <sup>14</sup>وُشا مارا لَمسِيح وار ذ اِتواسنكار، خِنِي باطر اِ اِندِجا اِنبارَح تَغ، باطر اِ اِندِجا خِنِي لايَمان نوم، <sup>15</sup>وُشا نَشِين نبان ذ رَشهُوذ اِسْخارِيقن ن اِرَبِي، مِينِزِي نَشْهذ خ اِرَبِي بَلِي اَقَا اِسْناكار-د لَمسِيح، وِني وار د اِسْناكار شا، مارا نِيشان اِمْتِينن وار د اِتواسنكارن شا. <sup>16</sup>مِينِزِي مارا اِمْتِينن وار د اِتواسنكارن شا، اَقَا لَمسِيح وار د اِتواسنكار خِنِي. <sup>17</sup>وُشا مارا لَمسِيح وار د اِتواسنكار شا، اَقَا لايَمان نوم باطر، خِنِي اِثَقِيمم عاذ ذِي دَنوب نوم، <sup>18</sup>وُرا اِنِي اِطَصَن ذِي لَمسِيح اوارني رامِي مُونن، اَقَا اِواهلكن. <sup>19</sup>مارا ثوغا نَسِيْتِيم ذِي لَمسِيح اِ اِثوادرث-ا واه، اَقَا-نغ قاع ذ اِمَشومن ن مارا اِوِذان.

<sup>20</sup>ماشنا رَحُو، اَقَا لَمسِيح اِتواسنكار-د زكَ اِمْتِينن اَم وُمنزو ن يِنِي اِطَصَن ذكَ وِنضِر. <sup>21</sup>وُمِي ذ ثوسا رَمُوْث زكَ اِجَن بِنادم وُرا ذ ثانوكرا ن اِمْتِينن اِندِجا زكَ اِجَن بِنادم. <sup>22</sup>مِينِزِي اَم مامَش مارا مُونن ذِي اِدام، اُمُو عاوذ اَذ اِتواسنكارن مارا ذِي لَمسِيح. <sup>23</sup>ماشنا كُور اِح ذِي ثوبت نَس: لَمسِيح ذ اَمنزُو، خِنِي اِنِي اِ دِجان ن لَمسِيح غار اِتواسيْت نَس. <sup>24</sup>اوارني مان اِيا ذ اِنكَارُو، خَمِي اِ غا اِوش اِثاكَلذِيْث اِ اِرَبِي اِثاباباث، خَمِي اِ غا اِبطِر مارا رَحكاماث ذ مارا صُولطا ذ مارا جَهذ. <sup>25</sup>مِينِزِي اِنخَصَّ اس اَذ اِحكم اِر اِ ذ غا يِگ مارا رَعذيان نَس ساذُو اِضارن نَس. <sup>26</sup>وُشا رَعذُو اِنكَارُو وِني اِ غا اِتوابعرن، اَقَا-ث ذ رَمُوْث. <sup>27</sup>مِينِزِي اَقَا ثورا ”اَقَا اِكا مارا ساذُو اِضارن نَس“. ماشنا خَمِي اِقار بَلِي مارا اِتواكَ ساذُو نَتا، اَقَا اِبان مَلِيح بَلِي وِني ذ اس اِكِين مارا ساذُو نَتا، اَقَا نَتا سِيمانت نَس وار اِندِجا ساذُو نَتا. <sup>28</sup>خِنِي رامِي د اس

اِتواڱ ماڙا ساڏو اِنٿا، رخدڻي ٿامميٿ عاوڏ اڏ اِتواڱ ساڏو اِوٿي وُمي د اس اِڪين  
 ماڙا ساڏو اِنٿا، جيما اڏ پيري اُريي ڏي مين ڏي ما.  
<sup>29</sup>نيغ، مين اِغاڪن اِنئي اِتواسغضصن ڏي طوع ن اِمتين؟ مارا وار د تئواسنڪارن  
 اِمتين عمارص، ماغار مايي اِغا تواسغضصن عاوڏ ڏي طوع ن اِمتين؟ <sup>30</sup>وُ مايي  
 نشين عاوڏ ڏي لخطار ڏي کور ٿساعت؟ <sup>31</sup>اُ اوماٿن، اقا تميغ کور اس س وُسمغار  
 نوم اِ اِڊچان غاري ڏي لمسيح يشو سيڏينغ. <sup>32</sup>مارا ٿوغا-بي منغ اِم بناڏم اڪ-ذ  
 روڄوس ڏي افاوس، مان رفضر اِ غاري؟ مارا اِمتين وار تئواسنڪارن شا، اڏ نش،  
 اڏ نسو، مينزي ٿيوشا اڏ نٿ. <sup>33</sup>وار ٿغشم بيخف نوم، ٿامونٿ وار اِخرين ٿجياح  
 طبابع ٿيصبحانين. <sup>34</sup>اِريم ٿفامق نيشان، وار ٿخطيم شا، مينزي شا زايوم وار سئين  
 شا اُريي. اِرهيا نوم قارغ ٿ.

### اُريٿم ن زموٿ ذ اُريٿم ن ٿنوڪرا

<sup>35</sup>ماشا اڏ اِنئي حد ”مامش اِغا تئواسنڪارن اِمتين؟ س مان اُريٿم اِ د غا ياسن؟“  
<sup>36</sup>اُ افغور، مين ٿرارعد شڪ، وار اِتدار مارا وار اِموٿ قبر. <sup>37</sup>زي مين ٿرارعد وار  
 ٿرارعد شا اُريٿم، ماشا ٿاعقاقت واه، اقا-ت ن پيرڏن نيغ ن شا نضيي. <sup>38</sup>ماشا  
 اُريي اوش اس اُريٿم مامش اِحس نٿا وُشا اِ کور اِققا ن زاربعٿ اُريٿم نس. <sup>39</sup>وار  
 اِڊجي مارا اُيسوم ذ اُيسوم ذ اِج، ماشا اُيسوم ن اِوڏان اِمنسبضاخ ويِسوم ن زمار وُشا  
 اُيسوم ن اِسرمان ونضيي ن ويِسوم ن اِحضاض. <sup>40</sup>اقا ڏين اُريٿم ن وُجنا ذ اُريٿم  
 ن ٿمورٿ، ماشا اِعوڏجي ن پني ن وُجنا ونضيي ن پني ن ٿمورٿ. <sup>41</sup>اِجن ذ اِعوڏجي  
 ن ٿفوشٿ، ونضيي ذ اِعوڏجي ن وُيور ذ پيشان، مينزي اِثري اِبضاخ اِثري نضيي  
 ذڪ وُعوڏجي. <sup>42</sup>اُمو خني اِغا ٿيري ذ ٿانوڪرا ن اِمتين. اقا اُريٿم ٿتوازراع ڏي مين  
 اِفتان وُشا اڏ تئواسنڪار-د ڏي مين وار اِفتين. <sup>43</sup>اقا اِتوازراع ڏي مين وار اِشنيغن وُشا  
 اڏ د اِتواسنڪار ذڪ وُعوڏجي، اِتوازراع ڏي ٿضعفت وُشا اڏ د اِتواسنڪار ڏي جهڏ.  
<sup>44</sup>اقا ٿتوازراع اُريٿم ن طبيعت وُشا اڏ د تئواسنڪار اُريٿم ن اُروح.  
 اقا ڏين اُريٿم ن طبيعت، اُمو اقا ڏين وُرا ذ اُريٿم ن اُروح. <sup>45</sup>اُمو خني ٿورا  
 ”اُرياز اُمزوارو، اڏام، اِڏور ذ رعمار اِڏارن وُشا اڏام اِنگارو ذ اُروح اِسنڌارن.“ <sup>46</sup>ماشا  
 مين اِڊچان زي اُروح وار د يوسي شا ذ اُمزوارو، ماشا مين اِڊچان ن طبيعت، خني  
 اوارني مان ايا مين اِڊچان زي اُروح. <sup>47</sup>بناڏم اُمزوارو اڪ-د زي ٿمورٿ، اقا نٿا زڪ  
 وُشار ن ٿمورٿ. بناڏم ويس ٿنائين ذ سيڏي اِ د اِڪين زڪ وُجنا. <sup>48</sup>اُم مامش اِڊچا

وٽي زڪ وُشار ن ٿمورٽ، اُمو اِڊچان خٽي اِنِي اِتواڪن زڪ وُشار ن ٿمورٽ، وُشا اُم مامش اِڊچا وٽي ن وُجنا، اُمو خٽي اِنِي اِڊچان ن وُجنا. <sup>49</sup> وُشا اُم مامش ناربو صيفٽ ن وٽي اِتواڪن زڪ وُشار ن ٿمورٽ، اُمو خٽي اِذ ناربو صيفٽ ن وٽي زڪ وُجنا. <sup>50</sup> ماشا، اُ اُومائن، قارغ ذڪا، اَقا اُيسوم ذ اِڏامن وار زمارن اِذ وارثن ٿاڪلڏيٺ ن اَربي وُرا ذ مين اِفتان وار اِزمار اِذ اِوارث مين وار اِفتين. <sup>51</sup> خزارم، اِذ ڪنيو سارڪيغ خ اِجن سيري، اَقا-نغ وار نتطص شا مارا، ماشا مارا اِذ نتوابدر <sup>52</sup> ذغيا، ذڪ وار ماش ن واريو غار رُبوق اَنگارو. مينزي رُبوق اِذ اِزمار وُشا اِمتين اِذ د تواسنڪارن غار مين وار اِفتين وُشا نشين اِذ نتوابدر. <sup>53</sup> مينزي مين اِفتان اِتخصص اس اِذ يارض مين وار اِفتين وُ مين اِغا اِمتن اِتخصص اس اِذ يارض مين وار اِمتين. <sup>54</sup> وُشا خمي مين اِفتان اِذ يارض مين وار اِفتين وُ مين اِغا اِمتن اِذ يارض مين وار اِمتين، رخدني اِذ اِڪمر واور اِ اِتوارين

”رَموٽ اَقا تِثواصارض ذڪ وُغلب. اِشا. 8:25

<sup>55</sup> اُ رَموٽ، ماني اِڊچا وُستان نم؟

هوش. 14:13 ماني، اُ جاهناما، اُغلب نم؟“

<sup>56</sup> اَقا اُستان ن رَموٽ ذ دانب وُشا جهنن ذ دانب اَقات ذ تاوراٿ. <sup>57</sup> ماشا اِقاڏي اِ اَربي، وٽي ذ انغ اِوشين اُغلب س سيڏي يشو لمسيح. <sup>58</sup> اُمو خٽي، اُ اُومائن اِعيژن، بدم نيشان وُ نبرا اَنهزي، ارنيم رندا ذي رخدمن ن سيڏي س وُفيص، اُم تنسم بلي رخدمن نوم ذي سيڏي وار ٿڊجي باطر.

### اَسْمُونِي ن صَدَاقِي اِ اِمْقَدَاسِن ذِي وُرشاليم

16 <sup>1</sup> زِي جِيهٺ ن وُسموني ن صَدَاقِي اِ اِمْقَدَاسِن، ڪم ڪنيو عاوڌ اُم مامش ضبرغ اِٿ-پڊ ذي ٿمسمونين ن ڪالاطيبا. <sup>2</sup> ڪور اَس اَمزوار ن سيمانا ڪور اِجن زانوم اِذ اِحوز شا ن ٿسغارٿ علاحساب مامش اِوسع، جيما، خمي اِ د غا اِوضغ، وار اِبدي عاذ رخدني وُسموني ن صَدَاقِي. <sup>3</sup> وُشا خمي اِ د غا اِوضغ، اِذ سڪغ اِنِي خف ٿحسبم محضن، جيما اِذ اِوين ٿشريمٿ ن صَدَاقِي نوم اِڪ-ذ ٿبرائين غار وُرشاليم. <sup>4</sup> وُشا مارا ٿوغا اِشووار اِذ راحغ نش عاوڌ، خٽي اِذ ڪارن اِذ راحن اِڪيڏي.

## ٿانگزاروٿ

<sup>5</sup> اڏ غاروم-د اَسغِ خُمِي اِذْ غَا كَغِ خ ماسيدُونِيَا، مِينِزِي اَڏ د كَغِ خ وِپَرِيذ ن ماسيدُونِيَا. <sup>6</sup> اِزْمَار اَڏ قِيمِغ نِيغ عَاڏ اَڏ سَعْدُوغ رَمَشْنَا اَكِيڏوم، جِيما خَنِي كَنِيو تَرْمَارم اَڏ اِيي تَسَقَبْصَم مَانِي اِغَا رَاغ. <sup>7</sup> مِينِزِي وَا ر خَسَغ اَڏ كَنِيو زَارِغ رَخُو اَم د خَاوم اِغَا كَغ اَبَرِيذ وَاها، مِينِزِي سَيِيَمِغ اَڏ قِيمِغ اَكِيڏوم شَا ن رُوَقْث، مَارَا اِسْمَح سِيڏِي. <sup>8</sup> مَاشَا اَڏ قِيمِغ عَاڏ ذِي اَفَاثُوس اَر اَس ن رَعِيذ ن خَمَسِين. <sup>9</sup> مِينِزِي اَقَا تُوَرَزَم اِيي-د تُوَارْث ٿامَقْرَانْت اِجْهَدن اَطَاس، وُشَا اَقَا ذِين اِج ن وُباَرُو ن رَعْدِيَان.

<sup>10</sup> مَارَا يِيُوِض-د تِيْمُوِثِيُو، حَضَام، مَاحَنْد نَتَا اَڏ ذِين يِيرِي جَارَوم نَبْرَا تِيكُوڏِي، مِينِزِي نَتَا اِتْگ رَخْدَمْت ن سِيڏِي اَمَشْنَاو نَش. <sup>11</sup> خ وِينِي وُرَا ذ اِجْن مَّا اَڏ ٿ اِسْحَقَار، مَاشَا قَبْصَم ٿ ذِي رَهْنَا، جِيما اَڏ غَارِي-د يَاس، مِينِزِي نَش تَرَايِغ ٿ اَڪ-ذ وَاوَمَان. <sup>12</sup> زِي جِيهْث ن ٿَاوَمَاٿ اَبُوْلُوس، اَقَا زَاوُكْغ ٿ اَطَاس، جِيما اَڏ غَارَوم-د يَاس اَڪ-ذ وَاوَمَان، مَاشَا نَتَا تُوِغَا وَا ر اِوَرُو اَڏ د يَاس رَخُو، مَاشَا اَڏ د يَاس خُمِي ذ اِس اِغَا اِسَارَح رُوَقْث.

<sup>13</sup> حَضَام، بَدَم نِيشَان ذِي لَإِيْمَان، حَزَم س ٿَرِيَاَسْٿ، اِرِيْم ٿَمَحْضَم <sup>14</sup> مَارَا مِين اِغَا اِمَسَارن جَارَوم اَڏ يِيرِي س ٿَايِرِي.

<sup>15</sup> زَاوُكْغ كَنِيُو، اَوَمَان، اَقَا تَسْنَم بَلِي رَاڏِج ن ٿَاڏَارْٿ ن سَيِيْفَانُوس، اَقَا-ٿن ذ اِمْنَزَا ذِي اَحَايَا، خَنِي نِيْثِنِي طَوَعن اِخْف نَسْن اِ تَسْخَارْٿ ذِي طَوَع ن اِمَقْدَاسن. <sup>16</sup> ڪَم اِخْف نُوْم سَاڏُو وُفُوس ن يَنِي اَمَشْنَاو نِيْثِنِي وُشَا سَاڏُو ڪُور اِجْن اِذ اِنِغ اِتْعَاوَانن وُشَا سَاڏُو ڪُور اِجْن اِ اِخْدَمن اَكِيڏنِغ. <sup>17</sup> اَقَا فَاْرَحَغ س ٿَوَايِيسْٿ ن سَيِيْفَانُوس ذ فُورْٿُوْنَاٿُوس ذ اَخَايِڪُوس، مِينِزِي نِيْثِنِي ڪَمَرن عَاڏ مِين كَنِيُو اِتْخَصَّان، <sup>18</sup> س مِينِزِي نِيْثِنِي سَارِيْحن اَرُوْح اِنُو ذ وَنِي نُوْم. وِقَارَم اِوُذَان اَمَشْنَاو اِنَا.

<sup>19</sup> تِيْمَسْمُونِين ن اَسِيَا تَسْدِچَامنٿ-يِد خَاوم. اَڪُوِيَلَا ذ بَرِيَسْڪِيَلَا اَڪ-ذ ٿَمَسْمُوننٿ اِ اِڏِچَان ذِي ٿَاڏَارْٿ نَسْن تَسْدِچَامن-د خَاوم اَطَاس ذِي سِيڏِي. <sup>20</sup> تَسْدِچَامن-د خَاوم مَارَا اَوَمَان. تَسْدِچَامن-د خ وَايَاوَا س وُسُوڏم اِڏَسْن.

<sup>21</sup> نَش، بُوْلُوس سِيْمَانْت اِنُو، تَارِيغ اَوَم-د سَرَام س وُفُوس اِنُو. <sup>22</sup> مَارَا حَد وَا ر اِخْس سِيڏِي يَشُو لَمَسِيح، اَڏ يِيرِي ذ اَمْنَعُور. 'مَارَانَا' (= 'اَ سِيڏِيْبَنِغ، اَس-د' نِيغ 'سِيڏِيْبَنِغ اَقَا يُوِسي-د). <sup>23</sup> نِيْعَمْت ن سِيڏِي يَشُو لَمَسِيح اَڏ ڪِيوم ٿِيِرِي. <sup>24</sup> ٿَايِرِي اِنُو اَقَا-ت اَكِيڏوم مَارَا ذِي لَمَسِيح يَشُو. اَمِين.